

雜病源流犀燭

沈氏尊生書卷十三

雜病源流犀燭 六淫門

諸痺源流 白虎歷節風

沈金鰲撰

諸痺風寒溼三氣犯其經絡之陰而成病也。故經曰：病在陽曰風，病在陰曰痺。痺者閉也。三氣雜至，壅蔽經絡，血氣不行，不能隨時祛散，故久而爲痺。或遍身或四肢攣急而痛，或有不痛者。病久入深也。入于骨則重而不舉爲骨痺，入于血則凝而不流爲脉痺，入于筋則屈而不伸爲筋痺，入于肉則肌肉不仁爲肉痺，入于皮則寒在皮毛爲皮痺。蓋筋骨皮脉肉間得邪則氣緩，故雖痺而不痛。然痺之爲病，每各以時遇。如冬氣在骨，遇三氣故成骨痺；春氣在筋，遇三氣故成筋痺；夏氣在脉，遇三氣故成脉痺；季夏氣在肉，遇三氣故成肉痺；秋氣在皮，遇三氣故成皮痺。皆各以主時受之也。

而筋骨皮肉脉又各有五臟之合。苟五者受而不去。則必內舍於合。而五臟之痺起。何言之。骨痺久復。感三氣內舍于腎。則善脹。尻以代踵。脊以代頭。蓋胃氣下行。而腎爲胃關。腎既痺。則腎氣不行。是陽明逆也。故善脹。腎爲作強之官。痺則足攣而不能伸。故尻代踵。身僂而不能直。故脊代頭也。筋痺久復。感三氣內舍于肝。則多飲。夜臥易驚。上爲引如懷。蓋肝內熱。脾不淫精于肝。故渴而多飲。肝熱下乘膀胱。故溲數。肝藏魂。肝痺則氣血兩衰。故魂不歸而易驚。經絡有氣無血。故上下相引而血不得赴。若結于中而如懷也。脉痺久復。感三氣內舍于心。則脉不通。煩則心下鼓。暴上氣咽。乾善噫。厥氣上而恐。蓋心合脉而痺入之。故脉不通。不通則心氣鬱。故鼓暴。鼓暴則氣逆而喘。故上氣。心脉起心中。上挾胃挾咽。故咽乾善噫。厥爲陰氣。心火衰而邪乘之。故神怯而恐也。肉痺久

復感三氣。內舍于脾。則四肢怠惰。發欬嘔汁。上爲大塞。蓋肢惰者。肉痺之驗。脾痺則本臟不足。不能散精。反上壅肺。故發欬。上焦不通。故嘔汁。甚則否塞也。皮痺久復感三氣。內舍于肺。則煩滿喘而嘔。蓋痺既入肺。則臟氣閉而不通。本氣不能升舉。肺職行治節痺。則上焦不通。而胃氣逆。故煩滿喘而嘔也。此五臟之痺。各以其症顯者。臟症顯。便不易治。宜五痺湯各加本經藥以復感云者。既已成痺。又各以其主時。重受風寒溼之邪氣爲病而深也。經又曰。淫氣喘息痺聚肺。淫氣憂思痺聚心。淫氣溺澀痺聚腎。淫氣乏竭痺聚肝。淫氣飢飽痺聚脾。則不特三氣入舍于其合。而後成痺。卽七情過用。亦能傷臟氣。而爲病。以氣淫則燥。能消陰。故也由五臟而推六腑。亦以飲食居處爲病本。而後邪中其腑。而內應之。是以循其腑。各舍於其腑也。卽如腸痺。經言數飲而出不得。中氣喘爭。時發喘息者。

以腸兼大小而言。二腸患痺。則下焦之氣。執鬱不行。故飲雖多而水不得出。水不出。則本末俱病。故與中氣喘爭。且清濁不分而殞泄也。又如胞痺。經言少腹膀胱按之內痛。若沃以湯。澀于小便。上爲清涕者。以胞者膀胱也。氣閉。故按之痛。水閉不行。故蓄熱若沃湯。且澀澀。太陽之脉。從巔絡腦。故上爲清涕也。腸痺宜五苓散。加木通。桑皮。麥冬。胞痺宜腎即經言二痺。凡六腑可推矣。經又言十二經筋之病。支轉筋痛。皆曰痺。何也。以其經筋在外。其病不及經隧之榮氣。故于臟腑無涉。惟三氣得以病之。故按四季之痺。以見其所感之由。然手足三陰之筋皆內結。胸腹盲膜間。其爲病自有異。如足少陰筋主痛。慙及瘕。足厥陰筋主陰器不用。與不起不收。手少陰筋主舌卷。手太陰筋主息賁。脇急吐血。手少陰筋主伏梁。唾膿血。雖筋痺而動。臟腑氣矣。總宜蠲痺湯總之諸痺不已。益入內而傷臟氣。然有六經

應之而爲有餘不足者。經曰厥陰有餘病陰痺。不足病熱痺。滑則病狐風。疝。澹則病少腹積氣。滑與澹者其脉之見于其部而知其有餘不足也。蓋厥陰位下焦。總諸筋有餘則木壅不升。邪鬱陰分。故病陰痺。不足則虛而生熱。故病熱痺。若其脉見滑。是邪有餘。狐風疝者。其疝如狐而數變如風也。疝在前陰少腹間。當肝部。肝鬱于此。卽陰痺也。脉見澹。是氣血虛滯。邪留則爲積。卽熱痺也。經又曰。少陰有餘病皮痺癰疹不足。病肺痺。滑則病肺風疝。澹則病積。澹血。蓋少陰君火之氣有餘則尅金。肺合皮故癰疹不足則不能溫金。故肺痺。若脉見滑。心火不勝水邪。便鬱而定于肺。風則肺動。疝則肺聚也。脉見澹。仍爲心血不足。火收于內。而入小腸包絡。故積與澹血也。經又曰。太陰有餘病肉痺。寒中不足。病脾痺。滑病脾風疝。澹病積。心腹時痛。蓋脾主肉。邪有餘則溼鬱而不運。故爲肉痺。中氣鬱則陽明之火

不能揚。故寒中不足。則脾自受而成痺。本氣不行也。若脉見滑。水
涇壅土。亦病在涇。脉見澀。積而不流。故中州滿也。經又曰。陽明有
餘。病脉痺。身時熱。不足。病心痺。滑病心風。痼病積。時善驚。蓋陽
明燥。金之氣應。脉燥有餘。則傷血脉。故脉痺。燥侮陰。故肉痺。脉爲
心行血脉者也。肺不足。心脉反窒。故心痺。若脉見滑。則風燥合邪。
傷肺傷血。將心氣抽掣而不得散。故成心風。痼。脉見澀。則金斂不
舒。脉爲不行而積。善驚。木侮金也。經又曰。太陽有餘。病骨痺。身重。
不足。病腎痺。滑病腎風。痼。澀病積。癰疾。蓋腎氣應。太陽太陽時氣
有餘。則浸淫及骨而痺。水邪盛而作強之官弛。故身重。不足。則本
臟先受而痺。將足緩。脉痿。精不堅固。若脉見滑。太陽之風寒合邪。
而爲腎風。痼。則邪痺。太陽經脉而有積癰疾者。陽氣不通。顛頂
故常風痛也。經又曰。少陽有餘。病筋痺。脇滿。不足。病肝痺。滑病肝

風疝。澀病積。時筋急目痛。蓋相火之氣犯陰。則肝受之。若邪有餘。則火傷筋而痺。脇滿。肝部在脇也。不足。是肝本虛而痺。肝痺者。邪鬱而血不榮筋之症也。若脉見滑風熱合邪。淫氣聚筋而寒熱往來。抽掣相引而爲肝風疝。脉見澀。則血滯而積。筋急目痛。皆肝病也。以上皆六氣犯陰犯陽之痺症也。人身陰陽與天地之六氣應。故六氣亦有時而內淫。且因臟腑陰陽之有餘不足。而外邪得以留之。此于氣運之外。又有所留爲陰陽之痺也。脉滑爲邪有餘。故留滯爲風疝。風謂其動。疝謂其聚也。濇爲本氣不足。故不能勝邪而成積。疝與積。槩指其聚而積者。非特前陰少腹之病也。雖然。內經之言痺。固可闡而明之矣。而仲景書又有所謂血痺者。曰尊榮人骨弱肌膚盛重。因勞疲汗出。臥不時動搖。加被微風。遂得之大抵此症原于質虛勞倦之故。蓋以尊榮者素安閒。故骨弱素膏粱。

故肌膚盛。一旦疲勞汗出。則氣竭表虛。因而臥。則神不斂。或時動搖而微風乘之。此時本氣弱疲勞。又耗氣汗。則陽氣泄。臥則陽氣伏。則外之陽氣不能固閉。榮氣又復動搖。風雖微而易入。故風與血相搏而成痺也。然風搏于中上二焦。寸口關上。脉必微澀而邪之前鋒早及下焦。尺中必見小緊。得如此脉。而又身體不仁如風痺狀。故知爲血痺症也。宜黃芪桂枝五物湯仲景書又有所謂胸痺者。其爲症狀不一。曰胸痺之病。喘息欬唾。胸背痛短氣。寸口脉沉而遲。關上小緊數。此則胸痺寔症。的脉。凡患胸痺者皆然。宜括葉薤白白酒湯至其症狀。又有雜出者。曰胸痺。以下凡言胸痺皆具有喘息欬唾胸背痛短氣等狀。而又及有他症。不得臥。胸背徹痛。則症兼支飲矣。蓋不得臥。由于有飲。飲原不痛。飲由胸痺。故心痛徹背也。宜括葉薤白半夏湯曰胸痺。心中痞留。氣結在胸。胸滿脇下逆搶心。乃上焦陽微。而客氣動。故有心痞胸滿之象。其言

留氣卽客氣。至腸下逆搶心。則不特上焦虛。而中焦亦虛。陰邪得

以據之也。

宜枳實薤白桂枝湯人參湯

曰胸痺。胸中氣塞短氣。夫胸既痺。而又

言氣塞短氣。是較喘息等。更覺幽閉不通。邪氣之有餘寔甚也。

宜

苓杏仁甘草湯

曰胸痺緩急者。乃胸痺之邪淫及于筋。故肢節之

筋有緩有急也。

宜薤白附子散

曰心中痞。諸逆心懸痛。曰心痛徹背。背痛

徹心。二節俱不貫胸痺字。是不必具有胸痺寔症。而各自成病耳。

蓋陰邪凝結心中。乃痞心中之痞。因初時氣逆。迨至心痛如懸。則

前因逆而邪痞心中者。後乃邪結心中而下反如空也。

宜桂枝生

心與背本兩處中有空竅。乃正氣所貯。以通上下者。今痛則相徹。

是正氣之虛寒邪乘虛而相搏結也。

宜烏頭赤石脂丸

然則仲景言血痺

胸痺二症固均屬陽虛之疾。不與他痺症相同。故于血痺謂宜鍼

引陽氣于胸痺。謂當全責陽虛也。此又于內經臟腑陰陽諸痺之

外所可詳及者。然而風寒溼三氣之相勝。其為病亦有可枚舉者。
風勝為行痺。遊行上下隨其虛處。風邪與正氣相搏。聚于關節。筋
弛脉緩。痛無定處。古名走注。今名流火。俗有鬼箭風之說。亦此類。
宜防。而其所統之病。有溼傷腎。腎不生肝。肝風挾溼。走注四肢。肩
髃者。宜散有肢節腫痛。日夜無已時者。宜沒藥散虎骨寒勝為痛
痺。四肢攣痛。關節浮腫。痛有定處。是名痛風。又名白虎歷節風。宜加
減五。而其所統之病。有兼風者。宜加減烏有兼溼而天陰即發。身
體沉重者。宜除溼捐痺湯在上加桂枝桔梗有兼痰者。宜豁有兼
火者。宜四物湯多加有兼溼熱者。宜二有兼血瘀者。宜桃紅有晝
靜夜發痛如虎咬。此正名白虎歷節風。大約掣因多寒。腫因多溼。
汗因多風。特以其原由症狀之繁。另詳條款于後。溼勝為着痺。病
而不移。汗多。四肢緩弱。精神昏塞。皮膚不仁。宜茯苓湯而其所統之

症不外麻木。另詳麻木條中。大約風勝之脉必浮。寒勝之脉必澁。溼勝之脉必緩。三痺各有所勝。治藥則以勝者為主。然亦不可舉一廢二。以三氣本雜合成病也。三痺之外更有熱痺。由臟腑移熱復遇外邪。故身熱唇口反裂。皮膚色變也。宜升麻湯更有周痺。由犯三氣遍及于身。故周身俱痛也。宜獨活湯更有支飲。夫支飲本痰飲中症。此則兼有痺病。故復詳於此。仍列其名爲支飲。其原由受三氣兼挾痰涎宿飲。故手足麻痺。臂痛不舉。多睡眩冒。忍尿不便。膝冷成痺也。宜茯苓湯以上三症皆痺之屬。而痺症多兼麻木。蓋麻猶痺也。雖不知痛痒。尙覺氣微流行。非若木之痛痒不知。卽氣亦不流行者。而麻木原委另詳本篇。痺又與風與痿相類。靈樞曰。病在陽曰風。病在陰曰痺。陰陽俱病曰風痺。陽者表與上。陰者裏與下也。總之痺本氣閉不通。或痛。或痒。或頑麻。或手足緩弱。與痿病相似。但痿

因血虛火盛肺焦而成痺。因風寒溼氣侵入而成也。痺又爲中風之一。然雖一例而受病各異。痺兼三氣。因陰受之中風。則陽受之也。學醫者能神而明之。類而推之。切而治之。可以司人之命矣。

脉法 脉經曰脉澀而緊爲痺痛。脉訣曰風寒溼氣合而爲痺。浮澀而緊三脉乃脩。玉機曰脉大而澀爲痺。脉來急亦爲痺也。

諸痺原由症治 內經曰汗出而風吹之血凝于膚者則爲痺。又曰風之爲病當半身不遂。或但臂不遂者此爲痺。又曰虛邪中人留而不去則爲痺。衛氣不行則爲不仁。又曰痺病痛者寒氣多有寒故痛也。其不痛不仁者病久入深榮衛之行澀經絡時疎故不痛。皮膚不榮故不仁。其或寒者陽氣少陰氣多。與病相益故寒也。其或熱者陰氣少陽氣多。病氣勝陽乘陰故爲痺。

熱其多汗而濡者。此其逢溼盛也。陽氣少。陰氣多。兩氣相感。故汗出而濡也。類聚曰。不仁者。何以明之。仁者柔也。不仁。謂不柔和也。痛痒不知。寒熱不知。炙刺不知。是謂不仁也。入門曰。痺之初起。驟用參芪歸地。則氣鬱滯而邪不散。只以行溼流氣藥主之。玉機曰。三氣襲入經絡。久而不已。則入五臟。或入六腑。隨其臟腑之俞。合以施針灸。仍服逐三氣發散等藥。自愈。又曰。痺症因虛而感。三邪既着。體不去。則須製對症之藥。日夜飲之。雖留連不去。能守病禁。不令入臟。亦可扶持也。入門曰。痺病雖守禁忌。凡味酸傷筋。則緩。味鹹傷骨。則痿。令人發熱。變爲痛痺。麻木等症。慎疾者。須戒魚腥麪醬酒醋。肉屬陽。大能助火。亦宜量喫。痛風諸痺皆然。鰲按。痺症有手足緩弱者。有筋攣不伸者。有偏枯不遂者。有肌肉不仁者。其形症往往與風痿相

似而後世醫治之法亦往往與風痿相混此千古之大誤也總之風則陽受痺則陰受此二語實爲風痺病之綱鑑益可見治法不當混施且痺病多重痛沉着一時未易得去其不可輕視也明矣

白虎歷節風痛痺之一症也以其痛循歷遍身百節故曰歷節以其痛甚如虎咬故曰白虎歷節其原皆由風寒溼入於經絡致氣血凝滯津液稽留久而拂鬱堅牢榮衛之氣阻碍難行正邪交戰故作痛不止也而所以致三氣作患之故則或飲酒當風或汗出入水或坐臥溼地或行立寒冰或體虛膚空掩護不謹而此三氣乃與血氣相搏遍歷關節遂成此症日久不治令人骨節蹉跎固未可輕視也試言其症狀必短氣自汗頭眩欲吐手指攣曲身癭癭其腫如脫漸至摧落其痛如掣不得屈伸須當大作湯丸不可

拘以尋常之劑。然其方藥。又必各因病之原由輕重。如由血虛血

熱血瘀。則必調血行血。宜趁痛散或由風溼相搏。肢節腫痛。不可屈伸。

則必疏風理溼。宜大羌活湯或由風溼麻痺。走注疼痛。爲偏枯。爲暴瘖。

則必散鬱開結。宜防風天麻湯或由風溼與痰與死血。致走注刺痛。其痛

處或腫或紅。則必宜邪通氣。宜疏風活血湯或由血虛陰火而痛。及腰以

下溼熱注痛。則必養陰清熱。宜潛行散或由風冷侵入氣血。氣滯血凝。

周身麻痛。則必祛寒散邪。宜五靈丸或由風毒攻注皮膚骨髓之間。痛

無定所。午靜夜劇。筋脉拘攣。屈伸不得。則必解結疏堅。宜走或痛散或由

痰注百節。痛無一定。久乃變成風毒。淪骨入髓。反致不移其處。則

必搜邪去毒。宜虎骨散或減虎骨散或由風氣遊行。痛無常處。如虫行遍體。

日靜夜劇。則必宣風利氣。宜麝香元或由火甚而肢節痛。溼甚而肌肉

腫。并受風寒而發動于經絡之中。溼熱流注于節膜之際。則必排

解內外除痛飲

仙或由溼痰流注痛及肩背則必豁痰開結

宜半夏
苓尤湯

其餘三氣所傷或猶輕淺總必以疏風驅寒除溼為主

宜龍虎丹
活絡丹

虎丹乳香
定痛丸

蓋以其痛如掣者爲寒多其腫如脫者爲溼多其肢節

間或黃汗出者爲風多而三氣之爲患固變幻若斯之甚也

歷節風原由症治

丹溪曰此症大率因血受熱已自沸騰其

後或涉水或坐溼或當風熱血得寒淤濁凝滯所以作痛夜則

痛甚行于陰也治宜辛溫疏散開發腠理血行氣和其病自安

又曰治痛風大法蒼朮南星川芎白芷當歸酒芩在上加羌活

威靈仙桂枝桔梗在下加牛膝防己黃柏木通又曰薄桂能橫

行手臂領南星蒼朮等至痛處

醫鑑曰白虎歷節亦是風寒

溼三氣乘之也

東垣曰痛風多屬血虛血虛然後寒熱得以

侵之多用芎歸佐以桃仁紅花薄桂威靈仙或用趁痛散

目曰。丹溪治法主血熱血虛血瘀或挾痰皆不離四物湯潛行散黃柏牛膝生甘草桃仁陳皮蒼朮姜汁。隨症加減。可謂發前人所未發也。

治諸痺方三十

五痺湯

總治 人參 茯苓 當歸 白芍 川芎
白朮 細辛 甘草 五味子 姜 如肝心
腎三痺 當倍用 川芎
此方 治風寒 淫氣 客留 肌體 手足 緩弱 麻痺
腸痺 白朮 茯苓 肉桂 猪苓 澤瀉

五苓散

腎瀝湯

蠲痺湯

胞痺 麥冬 犀角 杜仲 桔梗 赤芍
木通 桑皮 桑螵蛸 五加皮 羊腎
周痺 當歸 赤芍 黃芪 防風 姜黃
羌活 各錢半 甘草 五分 姜 五片 棗 二枚
此方 治手冷痺 一云冷痺者 身寒不熱 腰脚
沉重 即寒痺之甚者

黃芪五物湯

瓜蒌白酒湯

血痺 黃芪 桂枝 白芍 各三錢 姜 六
桂枝 二錢 日三服 一方 加人參
瓜蒌 一枚 搗 薤白 半斤 白酒 七升
胸痺 三味 煎取 二升 分溫再服
歷節風 諸痺方

風

歷節風

諸痺方

瓜蒌半夏湯 又 括萎一枚 搗 薤白三兩 半夏半升

枳實桂枝湯 又 枳實二兩 薤白半斤 桂枝一兩 厚朴四兩 括萎一枚 搗 水五升 煎取二升

人參湯 又 人參 甘草 乾姜 白朮各三兩 水八升 煎三升 溫服一升 日三服

茯苓甘草湯 又 茯苓三兩 杏仁五十個 甘草一兩 水一斗 煎五升 溫服一升 日三服 不差更服

橘枳生薑湯 又 橘皮一斤 枳實三兩 生薑半斤 水五升 煎二升 溫再服

薤苳附子散 又 苳仁十五兩 附子十枚 炮 杵為散服 方寸匕 日三服

桂枝枳寔湯 又 桂枝 生薑各三兩 枳寔五兩 水六升 煎三升 分溫三服

赤石脂丸 又 烏頭一分 蜀椒二分 附子一分 乾姜一分 赤石脂二分

防風湯 又 防風 錢半 當歸 赤苓 獨活 杏仁 桂心 甘草各一錢 麻黃五分 黃芩

此方 秦芩 葛根各三分 姜五 棗二 走注 獨活 當歸 乾姜 肉桂

苳仁散 川烏 羌活 獨活 麻黃 防風 白朮

甘草

沒藥散

肢節痛 沒藥 虎骨 等分每末三錢酒下

虎骨丸

此方兼治走注痛 又虎骨 五靈脂 白膠 姜蚕 威靈仙 各一兩 烏頭兩半 酒糊丸

控涎丹

加減五積散

痛痺 茯苓 白芷 半夏 川芎 當歸 陳皮 乾姜 甘草 白芍 蒼朮 桔梗 桂枝 麻黃 厚朴

加減順氣丸

因風 烏藥 麻黃 陳皮各二錢 姜蚕五 分 川芎 枳壳 白芷 甘草 桔梗各五 錢 姜 棗

除溼損痺湯

因溼 蒼朮二錢 白朮 茯苓 羌活 澤 瀉各錢半 陳皮一錢 甘草五分 姜汁 竹瀝各三匙

豁痰湯

因痰 柴胡 半夏各四兩 黃芩二兩半 人參 甘草 紫蘇 陳皮 南星 厚朴各 二兩 薄荷兩半 羌活一兩 枳壳二兩 竹瀝姜汁丸 因火 川芎 當歸 白芍 生地

四物湯



風 諸痺方

二妙散

淫熱 酒黃柏 製蒼朮 等分

桃紅飲子

瘀血 桃仁 紅花 川芎 當歸 威靈仙
加麝少許 水煎

茯苓川芎湯

着痺 赤苓 桑皮各錢半 川芎 防風
麻黃 赤芍 當歸各一錢 陳皮 甘草各

升麻湯

此方兼治麻木不仁
熱痺 升麻 扶苓 人參 防風 羌活
官桂 犀角 羚羊角 加竹瀝

當歸湯

血痺 當歸 赤苓 赤芍 獨活 防風
黃芩 秦艽 甘草 肉桂 姜

茯苓湯

支飲 甘草 姜 赤苓 橘皮 枳殼 桔梗

治白虎歷節風方十六

趁痛散

歷節風 桃仁 紅花 當歸 地龍 五靈
脂 酒牛膝 酒羌活 便香附 甘草各二

大羌活湯

此方治風痺之由血虛血瘀者
錢乳香 沒藥各一錢 每末二錢酒下
又羌活 升麻各錢半 獨活 一錢 威靈
仙 蒼朮 防己 白朮 常歸 澤瀉 赤
苓 甘草各七分

防風天麻散

又 滑石二兩 防風 天麻 川芎 羌活 白芷 草烏 白附子 荆芥穗 當歸 甘草各五錢 蜜丸彈子大每服半丸或一丸

熱酒化下覺藥力運行微麻為度此開鬱散結宣風通氣之妙劑也 或為末蜜酒調下一錢亦可

疎風活血湯

又 當歸 川芎 威靈仙 白芷 防已 黃柏 南星 蒼朮 羌活 桂枝各一錢 紅花三分 姜五片

潛行散

又 黃柏木酒浸焙乾為末每一錢姜汁和酒調服 此藥必兼用四物湯間服之尤妙

五靈丸

又 五靈脂二兩 川烏兩半 沒藥一兩 乳香五錢 水九彈子大每丸姜湯和酒下

定痛散

又 蒼耳子 骨碎補 白芷 肉桂 沒藥 附子 赤芍 當歸 白芷 肉桂 沒藥

防風 牛膝各七錢半 羌活 虎腰骨 龜板各五錢 天麻 五加皮 羌活 杜仲 各二錢半 每末一錢溫酒下

虎骨散

又 虎骨二兩 白花蛇 天麻 防風 牛膝 姜蚕 酒當歸 乳香 肉桂 各一兩

炙甘草 全蝎各五錢 麝香一錢 每末二錢溫酒下 豆淋酒尤妙 一方加有自然銅白

風

歷節風方

卷十三 十一

加減虎骨散

附子羌活桂枝川芎白芷各一兩地龍沒藥各五錢服法亦同酒下虎脛骨三兩沒藥五錢每末二錢溫

麝香元

又川烏大者二个全蝎二十一个生地龍五錢生黑豆二錢半麝香一字糯米糊丸茶豆大空心酒下七九或九九出汗便差

靈仙除痛飲

又麻黃赤芍各一錢防風荊芥羌活獨活酒芩白芷蒼朮威靈仙枳實桔梗川芎葛根各五分歸梢升麻甘草各三分一名麻黃芍藥湯

半夏芩朮湯

又蒼朮二錢白朮錢半半夏南星酒黃芩香附各一錢陳皮赤苓各五分威靈仙三分甘草二分姜三片一方有羌活

龍虎丹

又草烏蒼朮白芷各一兩用童便姜汁蒸汁拌蒸乳香沒藥各三錢當歸牛膝各五錢酒糊丸彈子大每丸酒化下

活絡丹


又川烏草烏南星地龍各一兩乳香沒藥各二錢二分酒糊丸空心酒下二三九

捉虎丹

又五靈脂 白膠 草烏 黑豆 同煮去豆
木鼈子 地龍 各兩半 沒藥 乳香 當歸
各七錢半 麝香 京墨 煨各二錢半 糯米
糊丸 芡寔大每一丸 空心酒化下 一名一粒
金丹

乳香定痛丸
此方專治一切痛風走注癰疽麻木白虎歷節
痛不可忍 兼治寒溼脚氣走注疼痛服此藥
一丸趕到脚面赤腫下散再服一丸趕至腳心
中出黑汗乃除根

又蒼朮二兩 川烏 當歸 川芎各一兩
丁香五錢 乳香 沒藥各三錢 廣肉九倍
子大酒吞下五六十九



麻木源流

沈金鰲撰

麻木風虛病亦兼寒溼痰血病也。麻非癢非痛。肌肉之內如千萬小虫亂行。或遍身淫淫如虫行有聲之狀。按之不止。搔之愈甚。有如麻之狀。木不癢不痛。自己肌肉如人肌肉。按之不知。掐之。不覺有如木之厚。麻木皆有久暫。暫時雖因氣血不足。未足爲病。若用重劑反損真元。惟經年累月無一日不麻。必內氣甚虛。風痰湊之之故。夫痰本不能作麻。爲風所吹。如波浪沸騰而起。陰陽失運行之柄。安得不麻。仲景曰。身如虫行。汗多亡陽也。則知氣虛是本。風痰是標。當先以生薑爲嚮導。枳壳開氣。半夏逐痰。防風羌活散風。木通牙皂通經絡。姜垂爲治虫行之聖藥。在手臂用桑條。在股足加牛膝。待病減。用補中益氣湯。多加參芪。若經年累月無一日不木。乃死血凝滯于內。而外挾風寒。陽氣虛敗。不能運動。先用桂附

爲嚮導烏藥木香行氣當歸阿膠桃仁紅花活血木通牙皂穿山
甲通經絡待病減用八珍湯大補氣血無不驗此治麻木之大法
也而其變現于身上下之間者正非一端可盡今條舉之有渾
身麻木者宜八仙湯有渾身麻木兼目縮或昏或熱者宜神效有
皮膚麻木者是肺氣不行也宜芍藥有暑天手麻木是熱傷元氣
也宜人參有左腿麻木沉重者宜除濕有體倦麻木食汗善饑舌
強聲啞聲重者宜消陽有四肢腫肌肉麻者宜續有痺病甚而麻
木不知者宜黃有十指面目皆麻者宜補中有十指尖着指甲肉
麻者宜沈氏有口舌麻木吐痰涎或身麻有痰者宜止麻有因瘀
血麻木者宜四物湯加桃有身麻木生疙瘩者宜散有因氣麻木
者宜開結有合目則麻開目則不麻四肢痠厥目昏頭眩者宜中
湯有濕痰死血相併作麻木者宜雙有自頭麻至心窩而死或自

足心麻至膝蓋而死者

宜麻骨方

有婦人七情六鬱氣滯經絡手足麻

痺者

宜開結舒筋湯

種種形症既各不同而治之之法總須以補助氣血

爲培本之要不可專用消散切記切記至人大指次指麻木不

仁者三年內須防中風宜一切預防常服十全大補湯加羌活秦

朮若如古法服愈風湯天麻丸等開其元府漏其真液適以招風

取中耳預防云乎哉

脉法

正傳曰脉浮而濡屬氣虛關前得之麻在上體關後得

之麻在下體又曰脉浮而緩屬溼爲麻痺脉緊而浮屬寒爲痛

痺脉澀而扎屬死血爲木不知痛癢

麻木原由症治

靈樞曰衛氣不行則爲麻且木東垣曰久

坐而起亦有麻木知其氣不行也當補其肺中之氣則麻木自

去矣

正傳曰河間云着痺者留着不去四肢麻木拘攣也內

經曰病久入深榮衛之氣虛經絡時疎故不痛皮膚不榮故爲不仁。夫所謂不仁者或周身或四肢唧唧然麻木不知痛癢如繩扎縛初解之狀古方名爲麻痺者是也。丹溪曰麻是氣虛本是痿痺死血然則曰麻曰木以不仁中而分爲二也。綱目曰如肌肉麻必待瀉榮氣而愈。醫鑑曰手十指麻是胃中有淫痰死血痰用二陳湯加二朮桃仁紅花少加附子行經血用四物湯加二朮陳皮茯苓羌活蘇木紅花。入門曰麻氣虛也。木淫痰死血也蓋麻猶之痺雖不知痛癢尚覺氣微流行在手多兼風淫在足多兼寒淫木則非惟不知痛癢氣亦不覺流行也。繆仲淳曰手足冷麻風冷氣血閉手足身體疼痛冷麻者宜用五靈脂二兩沒藥一兩乳香五錢川烏頭兩半炮去皮爲末水丸彈子大每以生姜溫酒磨服一丸如腹皮麻痺不仁多

煮葱白食之卽自愈。如風淫淫痺。手足麻木不舉。筋節攣疼者。先與通關次以全蝎七个瓦炒入麝香一字研勻。酒三盞空心調服。如覺已透則止。未透再服。如病未盡除。此後專以婆蒿根酒煎。二日服。如面上麻木。牛皮膠化和桂末厚塗一二分自愈。如年久麻痺。或歷節走氣疼痛不仁者。不拘男女。用草烏頭半斤去皮爲末。以袋盛豆腐半袋入烏末在內。再將豆腐填滿壓乾。煮一夜。其藥卽堅如石。取出曬乾爲末。每服五分。冷風淫氣姜湯下。麻木不仁葱白湯下。

導引法 保生秘要曰。將左足搭右膝上。以右手扳左腳尖。左手托腳跟。扳向右。頭卽轉左。右亦如之。兼法運動氣脉。自朝運功。保生秘要曰。氣血兩虛之症。起于歸元。會意運法。漸行患處。多旋百回。以還原位。行住坐臥。得閒皆可運用。或時以指

甲捻麻處捻之覺疼使血來朝之意

治麻木方二十

補中益氣湯

治麻 黃芪 人參 柴胡 升麻 陳皮 甘草 白朮

八珍湯

治木 當歸 白芍 人參 地黃 茯苓 白朮 甘草 川芎

八仙湯

身麻 當歸 白芍 人參 茯苓 地黃 白朮 甘草 川芎 皮 秦艽 牛膝 柴胡 羌活 桂枝 防風 陳

五積散

又 白芷 茯苓 當歸 半夏 川芎 炙 草 肉桂 白芍 枳殼 麻黃 陳皮 桔 梗 厚朴 乾姜 蒼朮 姜 葱白 枳氣

神效黃芪湯

丹皮 或多加黃芪甚者加木通白芍目縮者去 白芍 人參 黃芪 白芍 炙草 陳皮 蔓荊子 六服可效 搜風加澤瀉 大熱加

芍藥補氣湯

皮膚 黃芪 白芍 陳皮 炙甘草

人參益氣湯

暑天 黃芪二錢 人參 生草各錢半 白 芍七分 柴胡六分 升麻 炙草各五分

五
伸之
子三十粒
午前一服
空服
服于麻木處
頻按應屈

第二日
黃芪四錢
紅花三分半
陳皮五

分
澤瀉二分半
亦是日二服

第三日
黃芪三錢
黃柏六分
陳皮一錢

半
升麻一錢
澤瀉二錢
白芍二錢二

分
生草二分
炙草五分
五味子三十五

粒
亦是日二服

除溼補氣湯

左腿
黃芪二錢
青皮一錢
炙草錢半
柴胡
澤瀉各五分
紅花六分
陳皮二分半

清陽補氣湯

體倦
蒼朮一錢
甘草
當歸
藁朮
知
母各五分
升麻錢半
柴胡
黃柏
黃芪
各八分
五味子四分
陳皮六分

續斷丸

天麻各五錢
川斷
當歸
防風
附子
草薢
錢
蜜丸酒下
乳香
沒藥各一錢
白芍二

黃芪酒

痺甚
黃芪
防風
細辛
獨活
川芎
牛膝各兩半
附子
川椒
炙草各一兩
川烏
山黃
秦艽
葛根各七錢
煖酒日
午夜服三次
虛加肉蓯蓉
下利加女萎

風

麻木方

卷十三 六

多忘加石斛菖蒲

沈氏桑尖湯

指尖 嫩桑枝尖五錢 漢防己三錢 歸身 秦艽各一錢 黃芪 茯苓各錢半 威靈仙 此金鰲自製方也用之屢效 加人參亦可

止麻消痰飲

口舌 黃連 黃芩 茯苓 半夏 桔梗 枳壳 陳皮 天麻 南星 細辛 甘草 瓜蒌仁 血虛加當歸 氣虛加人參

四物湯

瘀血 川芎 當歸 白芍 地黃

散帶湯

疔瘡 防風 荆芥各四分 羌活 獨活 歸身 生地 蒼朮 升麻 連翹 板榔 元參 牛旁子 忍冬藤 升麻 防己各五分 木 瓜六分 木香三分 黃連四分 烏藥 牛 脾各七分 茯苓 白茯苓 白茯苓 赤芍 陳皮 草薢各一錢 半夏二錢 加姜二 慈白一 溫服取汗 初服加麻黃一錢 二 三服加當歸一錢 四服加酒大黃錢半 五 服即愈

開結舒筋湯

因氣 紫蘇 陳皮 香附 烏藥 羌活 蒼朮 南星 半夏 當歸各八分 川芎

桂枝 甘草各四分

沖和補氣湯

合目麻 黃芪二錢 蒼朮 陳皮各錢半
人參 白朮 白芍 猪苓 澤瀉各一錢

羌活七分 升麻 甘草各五分 當歸 獨活 黃柏各三分 柴胡 神曲 木香 麻黃 草豆寇 黃連各二分 右剉分作二帖

水煎服

雙合湯

痰血餅 當歸 川芎 白芍 生地 白芥子 茯苓 半夏 陳皮各一錢 桃仁八分 酒紅花 甘草各三分 入竹瀝 姜汁

麻骨湯

頭足麻 人糞燒灰豆腐漿調服卽止 又方用棟子燒灰爲末每三五錢酒調下

破傷風源流 痙症

沈金鰲撰

破傷風。外因病也。其原有四。一原卒暴傷損肌膚。風邪相襲而發。一由諸瘡湯洗。艾灸火毒之氣。內逼妄行而發。一由瘡口不合。貼膏留孔。風氣相襲而發。一由熱鬱。遍身白痂。瘡口閉塞。氣難通泄。傳播經絡而發。此四因發時。寒熱間甚。或口噤。目斜。身體強直。角弓反張。不急治。必死。然四因之發。雖皆由風邪外襲。要必其血衰。不能榮養乎筋。然後邪得襲之。故三因方以爲傷寒。汗下過多。與夫病瘡人及產後。多致斯病。良有然也。而古人于痙症。通稱爲破傷風。竊按痙者。筋勁強直而不柔和。痙者。口噤。角弓反張。破傷風症。有至筋勁強直。角弓反張者。非痙症之止于破傷風也。蓋痙症多是氣血兩虛。風痰壅盛而成。或傷寒雜病。汗吐後。感風亦成。大發溼家汗亦成。產後去血多亦成。惟跌蹠打傷。瘡口未合。貫風而

成者。乃爲眞破傷風。三因言傷寒產後云云者。以瘳瘳之狀。與破傷風症相似而言之。卽古人通稱瘳瘳爲破傷風之故。非眞破傷風一症也。特汗後產後之瘳瘳。有專由血液少而成者。亦有血液既少。復中風邪而成者。以其復中風邪。故亦云破傷風也。但血液內虛。復中乎風。因成瘳瘳。而所中。有不止于風者。如中乎寒。則筋患緊縮。中乎熱。則筋患弛張。中乎溼。則筋患弛緩。猶中乎風。則筋患弦急也。惟所中不止于風。故風能散氣。必有汗而不惡寒者。亦寒能澀血。必無汗而又惡寒也。熱能消氣。必爲瘳瘳也。溼能溢血。必爲緩弱也。經所謂大筋繃短。小筋弛張者。非是之謂乎。茲特條列其症治。凡破傷風有口噤身強直者。宜玉真散有發熱紅腫風邪。欲傳經絡而未深入者。宜水調膏有腰脊反張。四肢僵直。牙噤口喎。遍身令不知人者。宜全蝎散有風邪入裏。發搐目直視。二便秘結。當下

者。宜左龍湯有痰涎極盛者。宜烏蛇散有手足掉戰不已者。宜硃砂散

血凝昏悶者。宜烏散有不論新久諸瘡傳變而為破傷風者。宜急有

發汗過多變成破傷風者。宜防風散有亡血過多變成破傷風者。宜

歸地黃湯當各隨其症以施治。雖然有要法焉。不可不急講也。蓋破傷

風之發瘕症。當先識為何經受病。如身熱足寒項強頭搖口噤背

反張而搐者。太陽也。無汗則急汗之。宜防風湯若本有汗

或過多宜止之。宜白朮湯如頭低視下手足牽引肘膝相搖而

身前搐者。陽明也。急下之。宜左龍丸如或左右一目視或左

右一手一足搐搦者。少陽也。急和之。宜羌麻湯防

本此以為治。故無不中。病不及三陰者。以病既入陰而現有脹滿

自利咽乾口燥舌卷卵縮等象。俱不能生。故古人不立方治。而今

亦不多贅也。嗟乎汗下和治傷寒法也。即可移以治破傷風。詎不

貴人之靈明哉

脉法 正傳曰破傷風脉浮而無力太陽也長而有力陽明也浮而弦小少陽也

破傷風原由症治 綱目曰破傷風者諸瘡久不合口因熱甚鬱結而榮衛不得宣通佛熱因之遍體故多白痂是時瘡口閉塞氣難宣通故熱甚而生風也又曰瘡口平無汁者中風也邊自出黃水者中水也並欲作痙須急治之又痛不在瘡處者風傷經絡亦死症也初覺瘡腫起白痂身寒熱急用玉真散貼之傷在頭面急用水調膏和雄黃付瘡上腫漸消爲度若腰脊反張四肢強直牙際通身冷不知人急用蜈蚣細末擦牙吐出涎沫立甦 河間曰背後搖者太陽也身前搖者陽明也兩旁搖者少陽也太陽宜汗陽明宜下少陽宜和若明此三法而不中

病者未之有也。又曰破傷風在表。宜以辛熱發散之。防風湯羌活防風湯。九味羌活湯。在半表半裏。宜以辛涼和解之。羌活湯防風通聖散。在裏則以寒藥下之。小芎黃湯大芎黃湯。又曰破傷風雖宜發汗。若自汗多則宜用白朮湯。白朮防風湯。入門曰破傷風多死。宜用防風全蝎之類。全蝎散最妙。丹溪曰大凡破傷風在頭面。則白芷爲君。防風頭佐之。在身體及四肢。則以防風爲君。隨身稍用。在下部以獨活佐之。醫鑑曰諸瘡欲變症。宜急風散。發汗多成症。宜防風當歸散。亡血多成症。宜當歸地黃湯。回春曰破傷風宜早治。若入臟則難治。有四死症。一頭面青黑色。二額上有汗珠不流。三眼小目瞪。四身汗如油。繆仲淳曰凡閃脫折骨諸瘡。慎不可當風用扇。中風則發症。口噤項急。殺人急用蘇木爲末三錢酒服立效。名獨聖散。或用

生蠟二兩半切剝如泥。入花椒一兩。同酒炒熟。再入酒三盞半。熱服之。少頃。通身汗出。神效。或用威靈仙半兩。獨頭蒜一個。香油一錢。同搗爛。熱酒沖服。汗出即愈。其或打撲金刃傷。及破傷風。傷溼發病。強直如癇狀者。用南星防風等分爲末。水調敷。瘡上出水爲妙。仍以溫酒調服一錢。已死心尚溫者。熱童便調灌三錢。名奪命散。即玉真散。關內傷墜壓者。酒和童便連灌三服。即甦。亦可煎服。其或破傷風有表症未解者。用江鰮五錢。炒焦。蜈蚣一對。炙研爲末。以防風川芎羌活獨活等分煎湯調服一錢。其或破傷風病傳入裏者。用左蟠龍即野鴿糞。江鰮姜蚕各炒五分。雄黃一錢。蒸餅九梧子大。每十五丸。酒下取效。其或破傷風溼如瘧者。以黃蠟一塊。熱酒化開服。立效。與玉真散對用尤妙。

痙瘲風寒溼熱俱有病也。痙者筋勁強直而不柔和。瘲者口噤而角弓反張。二者雖各有症狀。其原則由血氣內虛。痰涎壅盛。其症則寒熱交作。絕似傷寒。但脉沉遲弦細。搖頭露眼。噤口。手足摘搦。頂強背反張如發癇。終日不醒為異。其因則緣傷寒雜病。汗下過多。或大發溼家瘡家汗產家亡血太甚。故作瘲。仲景以太陽病發熱無汗。反惡寒為剛瘲。太陽病發熱汗出不惡寒為柔瘲。海藏據之。亦以無汗為剛瘲。有汗為柔瘲。河間因以剛瘲無汗為風。性勁柔瘲有汗為溼。性緩亦可見剛柔所由分矣。剛柔既分。治法亦異。故但摘搦強直反張而為柔瘲者。不必汗。宜小續命湯去麻黃有熱桂枝減半冬去黃芩若加胸滿。脈掣急。臥不着席。齒齬而為剛瘲者。急須下。宜大承剛柔不分者。柴與解散。宜九味羌活湯或小續命湯加生附子其風痰發瘲。宜參歸芪火發瘲。宜瓜蒌枳實湯均與導痰審手。此而瘲瘲之病無難矣。夫瘲瘲病。

凡傷寒雜症皆有之。不獨破傷風溼也。特破傷風溼尤易發。痙症耳。故附于破傷風之後。

脉法 仲景曰痙脉。按之緊如弦。直上下行。三因曰痙症脉皆伏沉弦緊。入門曰凡痙脉如雨濺散出指外者立死。回春曰凡痙脉弦或沉細些汗後欲解脉至如蛇弦緊尚可伏堅傷嗟。

痙癇相似 丹溪曰痙與癇相似而不同。癇病身軟時甦。痙病身強直反張不時甦。甚有昏冒而遂亡者。又曰痙癇相似。但癇病爲虛。切不可作風治。而純用風藥。須帶補益。多是氣虛有火兼痰。宜用參芪芎歸竹瀝之類。

痙症原由症治 回春曰若眼牽嘴扯。手搖足戰。伸縮者是風痰症。若身冷手足冷脉沉細。名爲陰痙。俱宜參歸養榮湯。身熱

喘嗽生痰脉洪數名痰火症。用瓜薤枳寔湯不可全用風藥散氣。入門曰。症病戴眼反折瘈瘲汗出如珠。或反張離席一掌許。小兒離席二指許者皆死。直指曰。太陽風症之症。始則發熱腹鳴喘息脉浮。次則牙緊頭搖十指微搖。漸加項背強直轉側不仁。甚者昏困失音目暗直視滑泄不禁身腰反張如此則十不救一。徐忠可曰。症卽瘧強直之謂也。症病必有背項強直等的症。但治症病剛柔之辨最爲吃緊。故無汗爲剛有汗爲柔。爲辨症之要領。夫發熱無汗惡寒本傷寒家症。若症而項強背直者見之。乃衛陽與腎中真陽氣本相通。今太陽受寒溼相搏而氣侵少陰。真陽不達故反惡寒也。寒性勁切故曰剛。發熱有汗不惡寒。本傷風而併陽明症。若症而項強背直者見之。是太陽陽明傷溼而兼風。非寒邪內侵之比也。風性溫和故曰柔。

非止項強而身體則軟爲柔症也。仲景以葛根湯爲剛症主方。所以杜太陽項強漸成陽明胸滿之勢也。以瓜蒌桂枝湯爲柔症主方。所以大潤太陽經既耗之液。使經氣流通。風邪解。溼氣行。而筋不燥而症愈也。以大承氣湯爲由表入裏主方。又因症病內入而胸滿。太陽之邪仍不解。而口噤角弓反張。而臥不着席。于是邪入內。必熱。陽熱內攻。而腳攣齒介。蓋太陽之邪并于陽明。陽明脉起于腳而絡于齒也。故直攻其胃。使太陽陽明之邪一併而散。此下其熱。非下其食也。又曰。諸症項強皆屬于溼。乃仲景論症前後未嘗重溼。卽方藥亦不專主溼。僅寒溼相得一語。畧露機倪。其立三方。仍治風寒。或內驅熱。可知症証之說。非溼流關節之比。彼乃浸淫爲病。燥溼爲主。此則風寒爲微溼所搏。故仍以治本爲急也。曰然則症証之溼。從何來乎。不知症

之根原由亡血陰虛其筋易強而瘧之濕乃即汗餘之氣搏寒
為病也故產後血虛多汗則致之太陽病汗太多則致之風病
原有汗下之而并耗其內液則致之瘡家發汗則致之此仲景
明知有溼而不專治溼謂風寒去而溼自行耳

治破傷風方二十二

玉真散

強直 防風 南星 等分 每末一錢 姜汁和
酒調服以渣敷瘡口 口噤者童便調下 南
星為防風所制服之不麻可以開關定搐 一

水調膏

邪傳經絡 杏仁泥 白麵 等分 新汲水調
成膏塗腫處 即消腫退熱神效 等分 新汲水調
身冷 蟬蛻 稍七個 為末 熱酒服 日三次

全蝎散

大蜈蚣散

又患破傷風非此不除 左蟠龍即野鴿糞
炒烟盡各五錢 共為末 每取二錢 防風湯下 服
此不解 覺轉入裏 當服左龍丸 一方蜈蚣一
條 魚鱗三錢 共為末 每取一錢 防風湯下 服
下 魚鱗三錢 共為末 每取一錢 防風湯下 服
蝎二個 炒為末 擦牙或吹鼻中 各不蜈蚣散

左龍丸

人裏播左蟻龍魚鯉燒姜蚕各五錢
天麻二錢雄黃一錢蜈蚣二條共為末
分三帖先將二帖飯九梧子大每用砂為衣久將
一帖加巴霜五分飯九梧子大每用砂為衣久將
二十九加巴豆九子一丸第二服加二九酒下
至便利為度只服砂丸病愈即止若播症不
已宜服羌麻湯一名江饒散

羌麻湯

半表裏羌活麻黃川芎甘菊蔓荊
子石膏防風前胡黃芩細辛枳
壳茯苓甘草各七分白芷薄荷各五
分姜三片

烏蛇散

痰盛烏蛇六錢麻黃一兩川烏白附
子附子川芎乾姜天麻各五錢
梢二錢半每末一錢酒下日三服

硃砂指甲散

手足戰硃砂姜南星獨活各二錢人
手足爪甲六錢燒存性為末分三貼酒下

烏鴉散

血凝烏鴉燒灰酒服一錢服後飲酒一
二杯以助藥力

急風散

傳變麝香一字硃砂一兩生黑丑二錢
半草烏三兩半生半焙存性醋淬每末五
分酒下

防風當歸散 汗多 防風 當歸 川芎 生地各錢半

當歸地黃湯 亡血 當歸 地黃 白芍 川芎 防風

防風湯 無汗 防風 川芎 羌活 獨活 各錢二分

方詳在大蜈蚣散方後

羌活防風湯 又 羌活 防風 川芎 白芍 當歸 桑

小續命湯 又 防風 錢半 防己 杏仁 肉桂 黃芩

附子五分 姜三 棗二 一方無防己附

白朮湯 有汗 黃芩 白朮 甘草 葛根 各二錢 升

白朮防風湯 又 防風 四錢 白朮 黃芪 各二錢

小芎黃湯 陽明 川芎 三錢 黃芩 二錢 甘草 五分

此方治破傷風入裏猶有表熱二三帖後用大

大芎黃湯 又 川芎 二錢 大黃 羌活 黃芩 各一錢

此方專治破傷風入裏大便秘小便赤自汗不



止以微利為度

防風通聖散

少陽 滑石錢七分 甘草錢二分 石膏
黃芩 桔梗各七分 防風 川芎 當歸
赤芍 大黃 麻黃 薄荷 連翹 芒硝各
四分半 荆芥 白朮 山梔各三分 姜五
片

此方治風熱燥三者之總劑也 宣明云能治
諸風熱中風不語暴瘡或洗頭風破傷風諸般
風搐小兒驚風積熱或瘡疹黑陷將死或傷寒
疫癘不能辨明或風熱瘡疔或頭生白角或面
鼻生紫赤風刺癢疹肺風瘡疔或大癰癰疾或風
火鬱甚為腹滿滿瀉痛煩渴喘悶或熱極生風為
舌強口噤筋傷肉膈或大小瘡腫惡毒或熱結
大小便不通并解酒傷熱毒 按此方治法甚
廣姑即宣明之言附記于此醫者能神而明之
其所治並不止此也

九味羌活湯

和解 羌活 防風各錢半 川芎 蒼朮
白芷 黃芩 生地各錢二分 細辛 甘草
各五分 姜三 棗二 葱白二
此解表神方也能不犯三陽禁忌 正傳曰羌
活治太陽肢節痛乃撥亂反正之主 防風治
一身盡痛聽將軍命令而行 蒼朮雄壯上行

之氣除濕氣而下安太陰甘草緩裏急和諸藥
熱在內黃芩治厥陰頭痛在臍生地治少陰心
明頭痛在額黃芩治太陰肺熱在胸白芷治陽
表散邪之妙方也細辛治少陰腎經頭痛故為解

治痙症方七

小續命湯

治柔痙 防風錢半 防已 肉桂 杏仁
黃芩 白芍 人參 川芎 麻黃 甘草各
一錢 附子五分 姜三 棗二 一方無防

大承氣湯

剛痙 大黃 芒硝 厚朴 枳實

九味羌活湯

剛柔不分 防風 羌活各錢半 蒼朮 川
芎 黃芩 白芷 生地各錢二分 細辛
甘草各五分 姜二 棗二 葱白一

參歸養榮湯

風痙 人參 當歸 川芎 白芍 熟地
白朮 茯苓 陳皮各一錢 甘草五分 姜
三 棗二

瓜蒌枳實湯

痰火 瓜蒌仁 枳實 山梔子 川貝母
桔梗 黃芩 陳皮 茯苓 麥冬 人參

痙症方

當歸 蘇子各八分 甘草三分 姜三片煎

沖竹瀝 姜汁服

瓜蒌桂枝湯

柔症 大棗

桂枝 炙甘草 白芍 生

葛根湯

剛症 葛根 麻黃 桂枝 炙草 白芍 姜 棗

沈氏尊生書卷十四

雜病源流犀燭

六注門

寒病源流

惡寒發熱癰冷寒厥暴亡

沈金鰲撰

經曰諸病上下所出水液澄澈清冷癰瘕癰疽堅痞腹滿急痛下利清白食已不饑吐利腥穢屈伸不便厥逆禁固皆屬于寒經云然者以足太陽寒水乃腎與膀胱之氣腎陽既虛則寒水之氣益泛而一值天地殺厲之氣則兩相感召而諸寒病生焉是寒之爲病未有不由於陽虛者也夫寒病莫大于傷寒亦莫險于傷寒以其爲生死攸關也余別著傷寒論綱目故茲不贅及外此則有感寒症亦頭疼亦發熱亦惡寒探其舌本必從喉嚨內乾出于外多兼煩躁不煩躁卽感寒之輕者又或不頭疼而發熱不發熱而頭疼雖渴而不欲引飲至夜或偶得寐遇食不好亦不惡居處雖若

疴怯而神氣安靜。凡若此者。皆屬感寒之候。與傷寒不同。宜解表

散寒。宜桂枝乾姜麻黃柴胡前胡芎藭白升麻紫蘇葛根。又有羌活獨活生薑細辛吳黃隨症選用。又宜沈氏葛根湯。

中寒症。身體強直。口噤不語。四肢戰掉。卒然眩暈。身無汗者。此寒

毒所中也。其脉必沉而細。或緊澁。或陰陽俱盛。其為症定。當無汗

有汗反不治。宜姜附湯。麻黃附子湯。或有眩暈口噤昏迷肢冷身不熱。脉遲

緊者。宜附子理中湯。若肢冷腹絞痛唇青。宜用灸法。宜以半夏皂角麝香

中生姜切薄片貼之。放艾火于上灸之。又有雜中寒。或乘冷多食生冷。致頭疼身熱。

項背拘急。嘔吐腹痛者。卻不似真中寒之猛急。宜五積散。若感寒脉浮亦宜服之。

有因色慾後受寒。手足冷。臍腹痛者。宜健陽丹。有急陰病。腹痛肢冷甲

青者。宜太乙還元丹。要皆寒之為病也。

脉法 脉經曰。緊脉為寒。又曰。弦緊為寒邪。脉訣曰。傷寒有

五脉非一端。陰陽俱盛。緊澁者寒。陽浮而滑。陰濡而弱。此名傷

風勿用寒藥。陽濡而弱。陰小而急。此非風寒。乃濕溫。脈陽脈浮滑。陰脈濡弱。或遇于風。變成風溫。陽脈洪數。陰脈實大。更遇溫熱。變成溫毒。陽脈濡弱。陰脈弦緊。更遇濕氣。變爲濕溫。陰陽俱盛。重感于寒。變爲溫瘧。同病異名。陰陽俱盛。病熱之極。浮之而滑。沉之散澁。回春曰。中寒緊澁。陰陽俱盛。法當無汗。有汗傷命。醫鑑曰。中寒之脈。虛而微細。

寒病原由症治 東垣曰。仲景論傷寒矣。未及乎中寒。前人治冒大寒而昏中者。用附子理中湯。其議藥則得之。然曰。傷曰中。未有議其異同者。夫傷寒有卽病。有不卽病。必大發熱。病邪循經而行。以漸而深。中寒則倉卒感受其病。卽發而暴。一身受邪。難分經絡。無熱可發。溫補自解。此氣太虛也。不急治則死。得效曰寒溫。小節將理失宜。乍緩脫衣。甚熱飲冷。坐臥當風。居處

暴露衝冒霜雪。凌晨朝起。呼吸冷氣。久晴暴煖。忽變陰寒。久雨積寒。致生陰濕。如此之候。皆爲邪厲。侵傷肌膚。入于湊理。使人身體沉重。淚出氣壅。胸膈凝滯。肢節痠疼。項背拘急。頭目不清。鼻塞聲重。飲食不入。凡此之症。若不便行解利。伏留經絡。傳變無已。此不過四時感寒。若傳變必至成傷寒矣。又曰中寒則口噤。四肢強直。卒然暈倒。局方曰。尋常感冒。有表症。宜羌活沖和湯。防風沖和湯。芎芷香蘇散。寒毒入裡吐利者。宜藿香止氣散。挾食停痰。宜人參養胃湯。時令感冒。宜升麻葛根湯。又曰大抵感冒。古人不敢輕發汗者。正由麻黃能開腠理。用或不得其宜。則導泄真氣。因而致虛。變生他症。若人參養胃湯。乃和平之劑。止能溫中解表而已。不致妄擾也。丹溪曰。雜病與傷寒相類者極多。凡有感冒輕症。不可便認爲傷寒而妄治之。其或可

者蓋亦因其不敢放肆多用和解平和之藥散之爾。醫鑑曰：中寒者寒邪直中三陰卒然昏不省人口噤四肢強直拘急疼痛不急治死在旦夕。先用熱酒姜汁各半盞灌服次用回陽救急湯附子理中湯木附湯回陽湯。又曰中寒雖燥熱煩渴可煎附子理中湯浸水中冷服之不可熱服。又曰凡感冒風寒通謂之四時傷寒宜沖和散正氣散沃雪湯十味芎蘇散。入門曰：冷極唇青厥逆無脉陰囊縮者急用葱熨法吳茱萸熨法并灸臍中氣海關元各三五十壯而手足不溫者死。

惡寒發熱陰陽二氣相乘勝病也。成无已明理論云：寒邪爲陰熱邪爲陽裡分爲陰表分爲陽邪之客于表也。爲寒邪與陽爭則爲寒矣。邪之入于裡也爲熱邪與陰爭則爲熱矣。若邪在半表半裡之間外與陽爭而爲寒內與陰爭而爲熱表裡之不拘內外之無

定由是寒熱且往且來。日有至而三五發甚者。十數發也。若以陰陽二氣相勝。陽不足則先寒後熱。陰不足則先熱後寒。此則雜病陰陽自相勝然也。无己之論。良為精切。余竊思焉。惡寒發熱二症。當分言之。而後合參之。何則。惡寒者。寒邪客于榮衛。故洒淅而然也。蓋寒之所客。雖不見風。而亦惡寒。雖居煖室。無寒氣相襲。亦不欲去衣被。故無他症。但覺惡寒。陰勝也。宜理中湯。或嘔或心下痞。而惡寒中寒也。宜五苓散。汗後惡寒。陽微也。宜芍藥附子甘草湯。下症悉具。而微惡寒。表未解也。宜先用羌活湯。和湯解表。後用承氣湯攻裏。下後渴而惡寒。陽邪內搏也。宜白虎湯。加一身不惡寒。但背惡寒。表未解也。宜葛根湯。腹滿背惡寒。邪入裡也。宜小承氣湯。汗後不解。反背惡寒。虛也。宜芍藥甘草附子湯。口中和。背惡寒。陰氣盛也。宜附子湯。口乾燥。心煩。背微惡寒。陽氣內陷也。宜人參白虎湯。身無他症。但面惡寒。胃虛寒也。宜升麻附子湯。身無他症。但足膝惡寒。下元衰

也。宜免絲發熱者邪氣之入不能宣洩故鬱而為熱也其熱有表

有裏有陰有陽如翕翕而熱表熱也是風寒客於皮膚拂鬱于中

表熱而裡不熱也無汗脉浮緊宜發表。宜參蘇飲有汗脉浮緩宜

解肌。宜柴葛蒸蒸而熱裡熱也是陽邪入陷于陰中裡熱而表不

熱也脉沉寔而渴者宜下之。宜大柴若表裡未罷邪氣傳裡表裡

俱熱脉必弦數宜和解。宜小柴如脉沉反發熱是未離于表也。宜

黃芩湯發熱煩渴小便赤脉浮大是為表裡發見也。宜五若陰陽

俱虛熱不止若汗下後復大熱脉躁亂若下利熱不止皆死症以

上皆分言之者又有發熱惡寒一齊俱作屬乎陽也。宜羌活下後

不渴發熱而渴又惡寒陰陽轉而未和也。宜白背惡寒而復潮熱

陽邪實于胃中且有燥屎也。宜柴胡背惡寒又潮熱腹滿胃中實

熱也。宜小發熱惡寒兼之頭痛脊強脉浮緊邪入太陽表症也

氣湯

惡寒發熱

卷十四 四

宜麻黃杏仁飲汗後七八日不解表裡俱熱時時惡風惡寒大渴舌乾燥而煩陰虛陽鬱未散也。宜人參白虎湯以上皆可合參之者然則惡寒發熱見于雜病者奚可混于傷寒也哉

惡寒發熱原由症治 經曰人傷于寒而傳爲熱何也曰夫寒盛則生熱也寒氣外凝陽氣內鬱腠理堅緻六府閉封緻則氣不宣通封則濕氣內結中外相薄寒盛熱生故人傷于寒轉而爲熱也汗之而愈則外凝內鬱之理可知矣斯乃雜病數日者也 活人書曰惡寒者不當風而自憎寒惡風者必當風而後憎寒 本事方曰發熱惡寒近似傷寒者有五種脉浮而緊發熱惡寒者傷寒也脉浮而數發熱惡寒或有痛處是欲作瘧疽也脉浮而澁發熱惡寒或胸膈嘔吐此傷食也脉浮而滑發熱惡寒或頭眩嘔吐是風痰也脉浮而弦發熱惡寒或欲思飲食

此欲作瘧疾也。繆仲淳曰：凡肌熱躁熱，困渴引飲，目赤面紅，晝夜不息，其脉洪大而虛，重按全無力，此血虛發熱也。得于饑困勞役，像白虎症，但脉不長，寔爲異耳。若誤服白虎湯，卽死。宜用歸身酒洗二錢，黃芪蜜炙一兩，日二服。又曰：脾勞發熱者，有虫在脾中爲病，令人好嘔也。取東行茱萸根大者一尺，大棗子八升，橘皮二兩，酒一斗，浸一宿，微火薄暖之，絞去渣，平旦空腹服一升，取虫下，或死或半爛。或下黃汁，凡作藥時，切忌言語。又曰：肺熱身如火，煩躁引飲，而晝盛者，氣分熱也。宜黃芩一兩，水煎頓服，以瀉肺經氣分之火。次日身熱盡退，而痰嗽皆愈。又曰：心經寔熱，用黃連七錢，水一盞半，煎一盞，食遠溫服。小兒減之，名瀉心湯。又曰：三焦積熱，用元參、大黃、黃連各一兩，蜜丸，每三四十九，白湯下。小兒丸粟米大。又曰：膈上煩熱，多渴，滑石末。

二兩煎水去渣入粳米煮粥食。

痼冷寒邪久伏病也。凡人或冒雨雪。或涉水淵。或晨行曠野。或夜

深露坐。或衣被一時不及。或飲食耐冷強吞。而一股寒冷之邪自

外入裡。又一時不即透發。以致輾轉深陷。或伏于經絡。或伏于臟

腑。及其發也。或腹痛。或遍身肢節拘急痛。宜附子中湯或身痛腹痛兼

下利清穀。惡寒不汗。四肢厥冷。宜四逆湯或寒入臟腑。四逆不溫。或咳

或悸。或小便不利。或腹痛。或泄利下重。宜四逆湯或臍腹冷疼。口吐清

水。大便自利。足脛寒而逆。宜加減通湯或因久寒痼冷。吐利日久。身冷

脈微。宜金液丹或心腹冷痛。臟腑虛冷。既吐又瀉。脈微欲絕。宜至聖丹或

寒冷之邪伏于太陽筋惕內關。振振欲擗地。氣寒惡寒。宜真武湯或寒

冷之邪伏于陽明。心胸中大寒痛。嘔不能飲食。腹中寒氣上衝皮

高起痛不可觸近。宜大建中湯或寒冷之邪伏于少陽。口苦耳聾。胸滿

脇痛乾嘔不能食。宜小柴胡湯或寒冷之邪伏于太陰。脉沉無力。腹中

急痛吐嘔糞渣。或厥冷拘急。或結胸吐衄。宜理中湯或寒冷之邪伏于

厥陰。脉細欲絕。手足厥冷。乾嘔吐涎頭痛。宜當歸四逆湯肝邪疝

氣牽引臍腹疼痛。宜天台烏藥散或寒冷之邪伏于少陰。下利厥逆無脉

乾嘔而煩。宜白通加人尿猪胆汁湯腹痛四肢沉重痛下利小便不利。宜真武湯或

煩躁欲死。宜吳茱萸湯或五更洩瀉。宜四神丸或陰疝疼痛。宜導氣湯痼冷之爲

患其款類紛繁。若此苟非詳求審察。奚自治之哉。

痼冷症治 醫鑑曰。痼冷者。謂痼久而冷也。痼者固也。冷者寒

之甚也。綱目曰。臟腑之中。停寒不散。謂之沉寒。積冷不解。謂

之痼冷。宜用代灸塗臍膏。

寒厥暴亡。亦積寒病也。與中寒異。蓋中寒之寒。非盡積久。隨中隨發。寒厥之寒。乃由久伏寒邪于內。而復有新寒以觸之。遂厥而暴

亡故其症狀雖皆口噤四肢強直昏不知人而其原寒一爲卽發之病一爲久而觸發之病此其原異且發之之時中寒則卒然僵仆人不及防寒厥則先四末逆冷而後昏冒強直其間少需時候此其病作亦異且中寒倉卒間一身受邪難分經絡寒厥則邪之所積早入臟腑內陷已深此其病所自發又異宜回陽救急湯附子理中湯然則寒厥暴亡四字謂其因寒致厥而後暴亡非如中寒中暑中惡中氣等卒中而亡之暴亡意也每一病古人立一名夫豈徒哉夫豈徒哉

寒厥症治

類聚曰一婦人病傷寒暴亡脉絕有一道人見之

曰是寒厥耳不死也令人速掘地作坑以薪炭燒之俟極煖施

薦覆坑昇病人卧其上厚被覆之少頃大汗沾衣卽甦

蓋按

凡患寒厥者必先行此法令其甦然後以藥與服非若中風等

病口噤不語難進湯藥可用開闕法也

治寒病方二十一

沈氏葛朴湯

威寒 葛根 厚朴 枳殼 甘菊 藿梗
神曲 秦凡各錢半 加桑枝一尺

此金鷺自製方也凡遇四時感受寒邪頭疼項
強身熱體痛者以此治之無不神效如有風
加荆芥薄荷有濕加茯苓猪苓有痰加半夏廣
皮有熱加黃芩丹皮大熱加花粉石膏濕火加
黑山梔澤瀉食重加薤子山查雖兼病甚多不
能盡為立法神而明之在乎臨時酌劑耳
中寒 乾姜 附子 等分

姜附湯

麻黃附子湯

又 麻黃 附子 人參 白朮 炙甘草
乾姜 等分

附子理中湯

又 附子 乾姜 人參 白朮 炙甘草

五積散

類中寒 白芷 當歸 茯苓 半夏 白芍
川芎 桔梗 炙甘草 枳殼 麻黃 陳
皮 桂枝 乾姜 厚朴 蒼朮 姜 葱

健陽丹

房寒 胡椒十五粒 母丁香十粒 黃丹一
錢 生礬三分 醋調塗臍被蓋出汗白效

寒病

方 惡寒發熱方

卷十四

七

太乙還元丹

急陰病 人參 白朮 炮姜 附子 半夏 茯苓 陳皮 各一錢 白蔻仁 沉香 丁香 荻

苓 各八分 神曲 六分 姜 三 寒 二 鹽 少 許 熱服 臍上用炒葱熱貼冷則易之

羌活沖和湯

感冒 羌活 川芎 生地 蒼朮 細辛 甘草 白芷 防風 黃芩

此方專治春夏秋感冒風寒惡寒發熱頭痛項強或無汗或有汗以代桂枝麻黃青龍各半湯治太陽經表熱之神藥也 此藥獨治四時風寒春可治溫夏可治熱秋可治濕并治雜病亦有神也

防風沖和湯

又 防風 羌活 各錢半 白朮 川芎 白芷 生地 黃芩 各一錢 細辛 甘草 各五分 姜 三 葱白 二 一名加減沖和湯

芎芷香蘇散

又 香附 蘇葉 各二錢 蒼朮 錢半 陳皮 川芎 白芷 各一錢 甘草 五分 姜 寒 毒 荻 芩 大腹皮 紫蘇 甘草 桔梗 陳皮 藿香 正氣散 荻 芩 白朮 厚朴 半夏 白芷 姜

藿香正氣散

三 寒 二 荻 芩 大腹皮 紫蘇 甘草 桔梗 陳皮 白朮 厚朴 半夏 白芷 姜

人參養胃湯

痰食 蒼朮 錢半 陳皮 厚朴 半夏 各錢二分 半 荻 芩 藿香 各一錢 人參 炙甘草

草 草果各五分 姜三 枣二 烏梅一

煎服微汗出自愈若有餘熱以參蘇飲調理

升麻葛根湯

此方兼治傷寒陰症及外感風寒內傷生冷憎
寒壯熱頭痛身疼
時令 葛根二錢 白芍 升麻 甘草各一
錢 姜二 葱二
此方兼治春溫

回陽救急湯

中寒 人參 白朮 茯苓 半夏 陳皮
乾姜 附子 肉桂 炙草 五味子各一錢
姜七片

此方兼治傷寒陰症及陰毒四肢厥冷脉沉細
唇青面白

木附湯

又 白朮三錢 炙甘草錢半 附子一錢
姜十片 水煎調蘇合丸服之亦可

回陽湯

又 智仁 青皮各二錢 生附子 生川烏
各一錢 炮姜五分 姜十片 葱二枚
感寒 蒼朮四錢 薤芥二錢 甘草一錢

沖和散

沃雪湯

又 蒼朮三錢 厚朴錢半 川芎 當歸
防風 白芍 陳皮 葛根 甘草各七分
此方解利四時傷寒以此溫和平和通順陰陽

大效

十味芎蘇散

又川芎錢半 半夏錢二分 赤苓 紫蘇
葉 柴胡 葛根各一錢 陳皮 枳殼 甘

草各七分 桔梗五分 姜三 枣二

此方兼治溫熱瘟疫

葱熨法

中寒連根葱白切 小麥麴各三升 塩二
升 水和勻分二包炒令極熱絹包互熨臍
上冷則用水拌濕更炒熨之

吳茱萸熨法

又 吳茱萸二升 炒熟分二包互熨

治惡寒發熱方十九

理中湯

陰勝 人參 白朮 甘草 乾姜

五苓散

中寒 肉桂 白朮 茯苓 猪苓 澤瀉

芍藥

附子湯 陽微 白芍 附子 炙甘草

羌活沖和湯

表未解 羌活 防風 川芎 白芷 製蒼
木 細辛 甘草 生地 黃芩

大承氣湯

又大黃 芒硝 厚朴 枳實

白虎湯

陽邪 石膏 知母 甘草 粳米

葛根湯

表邪 葛根 麻黃 桂枝 白芍 炙草 姜 葱

小承氣湯

裡邪 大黃 厚朴 枳實

附子湯

陰盛 附子 白朮 白芍 茯苓 人參

人參白虎湯

陽陷 人參 石膏 知母 甘草 粳米

升麻附子湯

胃虛 升麻 附子 葛根 白芷 蜜黃芪 各七分 人參 草薢仁 炙甘草 各五分

益智仁三分 葱白二 此方乃陽明經主藥也 加黃連犀角川芎薄荷荊芥治面熱蒸而然面寒皆本于胃也

兜絲子丸

下元衰 鹿茸 澤瀉 兜絲子 附子 肉桂 熟地 牛膝 茯苓 山藥 川斷 防風 杜仲 肉苁蓉 破故紙 萆薢 淫羊藿 巴戟 沉香 茴香 五味子 川芎 桑螵蛸 覆盆子 石龍芮 去尖

參蘇飲

發表 人參 蘇葉 葛根 半夏 前胡 桔梗 枳殼 陳皮 茯苓 甘草 木香 姜 葱

柴葛解肌湯

解肌 柴胡 葛根 黃芩 芍藥 羌活 石膏 升麻 白芷 桔梗 各一錢 甘草五

大柴胡湯

分 姜三 粳米二 一名葛根解肌湯 此方治陽明經病目疼鼻乾不得卧 裡熱 柴胡 黃芩 半夏 芍藥 大黃 枳實

小柴胡湯

和解 柴胡 黃芩 各二錢 人參 半夏 各一錢 甘草五分 姜三 粳米二 一名三禁 湯以其禁發汗禁利小便禁利大便故只用此 藥乃和解之劑也

此方端治少陽病半表半裡往來寒熱能和其 內熱解其外邪傷寒方之正道也 兼治汗下 後不解過經不解時氣瘟疫婦人熱入血室等 症其間有五症尤為的當傷寒五六日心煩喜 嘔者一也寒熱往來者二也耳聾胸結者三也 發潮熱者四也產後發熱者五也此五症尤為 可服

麻黃

附子湯

未離表 麻黃 附子 細辛 無熱惡寒本 陰經病也陰病當無熱今反發熱但頭不疼為 異邪仍在表也脈雖沉猶宜用溫劑以發汗

柴胡加桂湯

陽實胃 柴胡 黃芩 半夏 甘草 肉桂

麻黃杏仁湯 表症

治痢冷方十五

附子理中湯

總治 白木 人參 乾姜炮 炙甘草 附子 入肝加木瓜入脾多加木入肺加桑皮入心加茯苓 腹痛甚加木香 下利多加白木 湯者亦多加白木 倦臥沉重多加附子 腹滿去甘草 嘔吐去白木加半夏 下動氣去木加桂心 浮加茯苓 寒積結胸 加枳實

四逆湯

又 附子 乾姜炮 炙甘草

加減白通湯

又 附子 炮姜 肉桂 草薢仁 半夏 人參 白木 炙甘草 各一錢或附子多加一錢亦可

金液丹

又 硫黃十兩 研細飛過盛磁器內赤石脂 封口鹽泥固之先掘地坑埋小壺子盛滿水安 磁器在上泥固慢火養七日夜加頂火一斤煨 取出放冷研細末每末一兩蒸餅一兩湯浸去 水和丸梧子大空心米湯下三十丸

至聖來復丹

又一小硫黃 礞石各一兩 共為細末入銚內
微火慢炒柳木箸不住攪令陰陽氣相入再研

極細名曰二氣砂乃入水飛五靈脂青皮

陳皮各二兩為細末次入太陰元精石

未一兩和勻醋糊丸豌豆大空心米湯下三十

丸或五十丸此錢寶城八角杜先生方

此方兼治榮衛不交養心神不升降上寔下虛

氣寒痰厥一切危急之症但有胃氣無不獲安

此藥配類二氣均調陰陽可冷可熱可緩可

急功效殊勝一名正乙丹

真武湯

大陽附子 白朮 茯苓 芍藥 生薑

水寒相搏而咳加五味子細辛乾姜 小便利

去茯苓 下利去芍藥加乾姜 嘔去附子加

生薑一倍 陽明 川椒 乾姜 人參 煎去渣入飴糖

大建中湯

少陽 柴胡 黃芩 人參 半夏 甘草

小柴胡湯

理中湯 太陰 人參 白朮 甘草 乾姜 加減法

同附子理中湯 當歸 桂枝 白芍 細辛 炙草

當歸四逆湯

厥陰 當歸 大棗 桂枝 白芍 細辛 炙草

天台烏藥散

又五錢 高良姜 烏藥 木香 茴香 青皮各
檳榔二个 川楝子十个 巴豆七十

白通加人湯

一粒 先以巴豆微打破同川陳楚黑去麩及巴豆將川棟同餘藥為末酒下一錢少陰葱白乾姜附子人尿猪胆汁尿猪胆汁

吳茱萸湯

又 吳茱萸 人參 姜 枣

四神丸

又 破故紙四兩酒浸一宿炒 五味子炒三兩 肉豆蔻麵裹煨二兩 吳茱萸湯泡淡炒一兩 用大棗百枚生薑八兩切全煮爛取枣肉丸每服二錢臨卧塩湯下若平日服之至夜藥力已盡不能敵一夜之陰寒也

導氣湯

又 川棟子四錢 木香三錢 茴香二錢 吳茱萸一錢 長流水煎

治寒厥暴亡方二

回陽救急湯

總治 人參 附子 甘草 白朮 茯苓 乾姜 陳皮 肉桂 半夏 五味子

附子理中湯

又 附子 人參 白朮 炙甘草 乾姜 一方加吳茱萸肉桂當歸陳皮厚朴各等分作一帖水煎服亦名附子理中湯



積聚癥瘕疝瘕

息積病

沈金鰲撰

積聚癥瘕疝瘕。因寒而痰。與血食凝結病也。經曰。積之始生。得寒乃生。厥乃成積。厥氣生足。惋足惋。生脛寒。脛寒則血脉凝澁。血脉凝澁則寒氣上入于腸胃。入于腸胃則臍脹。臍脹則腸外之汁沫迫聚不得散。日以成積。又曰。卒然多飲食則脹滿。起居不節。用力過度。則陽絡脉傷。陽絡傷則血外溢。陰絡傷則血內溢。血內溢則後血。腸胃之絡傷則血溢于腸外。腸外有寒。汁沫與血相搏。則并合凝聚不得散而積成矣。又曰。內傷憂恐。則氣上逆。逆則六腑不通。溫氣不行。且外中寒。與此偕厥。凝血蘊裏不散。津液澀着不去。而積皆成。據經之言。可知經絡之氣得寒則厥。寒與厥先逆于下。必肢節痛而不便利。至成足惋。于是脛寒。血氣凝澁。漸而入于腸胃。陽不化氣。而腸外汁沫迫聚不散。兼多食而不及運化。汁又溢。

腸外與血相搏起居用力過度絡傷血瘀得寒則食積血積所必不免此積之所由成也夫分言之有積聚癥瘕疝癖之不一總言之則止曰積蓋以積者停畜之總名而欲施治有不得不分者大抵積在臟聚在腑惟在臟故臟有五而因有五積之名肝曰肥氣脾曰痞氣肺曰息賁腎曰奔豚各詳五臟本論中惟在腑故腑有六而因有六聚之號陰故積亦屬陰腑陽故聚亦屬陽積脉沉細附骨聚脉浮動帶結此積與聚切脉而顯然可別者也且難經曰積者陰氣聚者陽氣氣之所積名曰積氣之所聚名曰聚積者五臟所生其始發有常處其痛不離其部上下有所終始左右有所窮處聚者六腑所成其始發無根本上下無所留止其痛無常處据難經之言而積與聚不又按症而顯然可別乎然壯盛之人必無積聚必其人正氣不足邪氣留着而後患此故易老云養正積自除譬如滿座皆君

子縱有一小人自無容地而出令人真氣寔胃氣強則積自消更能斷厚味節色慾戒暴怒正思慮庶乎萬全而無害斯言良是也然細思之日進攻伐固不可全用補益亦未必效蓋既有是積是聚而積聚之凝結日久者不爲消磨恐未必能自盡譬之一室中既有小人在內縱使滿座皆君子未必不恬然自安處于其側雖此時斷不敢與君子相抗爲難然終自處于室中也惟以威屈或以言激或以勢凌迫而逐之方能去耳故治積聚者計惟有補益攻伐相間而進補益以補中益氣湯等爲主隨症加減攻伐以攻積丸等爲主隨症加減方爲正治病深者伐其大半卽止然後俟脾土健運積聚自消且夫積聚必成塊治塊宜丸不宜煎煎藥如過路之水徒耗元氣無損于塊蓋塊者有形之物氣不能成塊必成于痰食死血大法貴察其所痛以知其病之有餘不足而攻補之東垣謂當詳臟腑之高下而高者

越之。結者散之。客者除之。留者行之。堅者削之。强者奪之。賊以真之。苦以瀉之。全真氣。藥補之。隨所利而行之。節飲食。慎起居。和其中外。可使必已。斯誠千古治積聚之良法也。五積宜五積丸增損五積丸尤妙通治諸積聚宜又按大全分癥痞食癥血癥疰癖諸氣疝瘕八瘕腹中瘕血凡七門。經云。男子爲七疝。女子爲瘕聚。則知疝瘕旣已同經。男女亦有同病。且瘕痞疰癖諸病。亦屬男女皆有之。特腹中瘕血爲女子之病耳。此條另詳婦科玉尺茲不贅且大全所謂七門者。一曰癥。食癥血癥卽統在內。二曰痞。三曰疰。四曰瘕。五曰疝。六曰瘕。八瘕。卽統在內。七曰腹中瘕血。其門類顯然可証。但諸積聚皆屬痰食死血。大全特於癥之一門。復申食癥血癥二條。其餘則否。且卽癥亦但申言食與血而不及痰。何也。須知諸積中未嘗無痰。并未嘗無食。與血卽血癥食癥之內。更未嘗無痰。且諸積之痰。食死血。又未嘗不

先因氣病也。故治積者必兼行氣滌痰去瘀消食而後可耳。夫七
疳余另立論。瘀血另詳婦科。茲故皆不之及。試詳言癥瘕痞癖。痞
癥者徵也。以腹中堅硬按之應手其病形有可徵驗也。往往見臍
下其原由飲食失節胃氣衰脾元弱邪正相搏積于腹中牢固不
動故名曰癥。醫者當審其病機或由脾胃虛宜六君子湯或由肝
脾虛宜歸脾湯或由肝火鬱宜蘆薈丸詳察進藥其有臟腑虛弱好食
生冷粘滯之物因脾胃虛不能克化遂與臟氣相搏結積成塊日
漸長大堅固不移此謂之食癥若體氣充寔當先疏導而佐以補
脾健胃否則必以培土為主而兼用消導也。或有氣壅血滯而不
易愈者散之可也。宜烏藥散其有臟腑虛弱寒熱失節或風冷內停飲
食不化周身運行之血氣適與相值結而生塊或因跌撲或因悶
挫氣凝而血亦隨結經絡壅瘀血且不散成塊心腹脇間苦痛

漸至羸瘦妨于飲食。此之謂血癥。薛立齋云。氣主噓之。血主濡之。

脾統血。肝藏血。故鬱結傷脾。悲怒傷肝者。多患血癥。腹脇作痛。正

屬肝脾病也。

宜沈氏血癥丸

薛氏此言。乃血癥病之原。于七情所傷者。癥

者。假也。假血成形。腹中雖硬。其寔聚散無常也。亦往往見于臍下。

其原由寒煖失宜。飲食少節。臟腑之氣先虛。又復多所勞傷。外而

感受風寒。停滯于內。是故正虛邪寔。正不能勝邪。邪遂挾其力。反

假游行之血。相聚相結。而成顆塊。推之而動。按之而走。故名曰癥。

醫者當審其病機。果屬肝脾兩傷。

宜四物湯加柴胡青皮木香延胡索而三棱龜甲亦當治癥瘕

二以藥投之。自無不效。然癥爲總病。所統八癥。皆有名可稽。有形

可按。一青癥聚在左右脇下。藏于背脊上至肩胛。其苦腰下急痛。

腹下氣沖。面色黃。四肢腫。二便難。喜睡涎。不可多食。二黃癥。左脇

下有氣牢結。不可抑。其苦腰背相引痛。小腹常急。下引陰中如刺。

不得小便或溺黃赤。時發寒熱。三燥瘕狀如半杯。上下腹中不定。其苦痛連兩脇。上下引心而煩。胸及腹中不得太息。腰背重。足痠。削而久立痛。遺尿失精。便難盜汗。妨于飲食。時欲嘔吐。四血痕留。着腸胃之外。及少腹間。其苦橫骨下有積氣。牢如石。因而少腹急痛。陰中若有冷風。亦或背脊疼。腰疼不可俯仰。五脂瘕在脂膜間。猝難踪跡。其苦腰背如刺。左右走腹中而切痛。少腹沉重。身體解。併大小便血。時甚時止。此症婦人獨患之。男子無是疾也。六狐瘕出入少腹間。或隱或見。男子卽爲狐疝。女子乃名狐瘕。其苦陰痿澁。小便難。少腹痠痛。胸膈腰背上沖而痛。其瘕甚有手足成形者。乃不治症。七蛇瘕。其形長大。在臍上下。或左右脇上。食心肝。其苦不得吐氣。腰背痛。難以動作。少腹熱。膀胱引陰。攣急。小便黃赤。兩股脛間時痛。入龜瘕。形大如杯。若存若亡。持之應手。其苦小腹內切痛。惡氣左右。

走上下腹中痛腰背亦痛不可以息面目黃黑脫聲少氣甚亦有
頭足成形者乃不治症此八瘕皆瘕之屬也瘕者懸也懸于腹內
近臍左右各有一條筋脉扛起大者如臂如筒小者如指如筆管
如弦其原皆由陰陽之氣不和常多鬱塞又時忿怒動氣偏勝或
適當飲食與氣纏裏適受寒冷與氣停畜且忿怒則肝火盛而血
隨氣結痰亦緣火相附而升遂合併而成形質懸于臍之左右故
名曰瘕醫者當審其病機選藥定劑自獲奇功宜麝香丸積塊丸
三稜散積瘕肝丸
癖者匿也潛匿兩肋之間尋摸不見有時而痛始覺有物其原皆
由榮衛失調經絡閼隔而又起居飲食無度傷脾傷胃有所勞力
強忍作勞以致精傷血軼邪冷之氣搏結不散藏于隱僻之所故
名曰癖醫者當審其病機針對發藥癖結自解宜香稜丸大硝石
丸木香硝砂丸
痞者閉也痞必有塊塊則有形總在皮裡膜外其原皆由傷于飲

食脾胃虧損抑且邪積胸中阻塞氣道氣不宜通爲痰爲食爲血皆得與正相搏邪既勝正不得而制之遂結成形而有塊丹溪云凡痞塊左爲血積右爲食積中痰飲此言誠然夫左關肝胆之位主藏血液右關脾胃之位主藏飲食中間爲水穀出入之道路所以左爲血積右爲食積中爲痰飲其理昭然觀丹溪之言亦可知痞所由成矣然雖有痰飲血食之異質左右與中之殊位總能閉塞氣分故名曰痞醫者當審其病機以治之宜連蘿丸消塊丸開懷散消積保中丸而又必察其形質不能移動者類于癥上下左右能移者類于瘕俱宜潰堅丸潰堅湯或緣有所驚恐而成宜妙應丸加穿山甲各三錢或緣憂思鬱結而得宜入門六齋湯或緣氣分之火壅遏而致宜解鬱調胃湯或緣心腹塊痛每至臌脹寒熱而盛宜柴香散或緣三焦閉格胸膈楚悶氣不流通壅結而積宜助氣丸或緣日耽麴蘖脾濕氣滯胸中悶滿氣促不安

嘔吐清水而生

宜勝紅丸加茯苓白朮葛根

其致痞不同治痞因異而痞焉有

不除者乎總之積聚癥瘕痞疝分隸三焦斷難混視痞瘕見于胸

膈間是上焦之病瘕積聚見于腹內是中焦之病癥瘕見于臍下

是下焦之病按其症分其部方得頭緒故積聚瘕痞疝多生于男

子而女子偶患之癥瘕多生于女子而男子偶患之理固當然也

是以前敘八癥亦以爲女子常生之病男子偶或一見故但詳形

症而其原由則詳于婦科玉尺中此則從略也然積聚等七者雖

詳而痰食死血之爲病有與此相類而不得竟謂之積聚癥瘕瘕

痞疝亦有是此七病而各有形症不同卽各當用藥調治者如積

聚腹脹如鼓青筋浮起坐卧不便

宜葶紅丸

如寒氣結塊腹大堅滿痛

楚之極

宜木香通氣散

如左肋下痞滿氣逆息難有形但不妨飲食

宜推氣湯

如痞積氣塊口內生疳

宜化痞膏

如心下堅大如盤由于水飲所作

宜枳

木湯如腹中疰癖致成鼓脹。宜烏牛屎膏如疰癖不瘥。脇下堅硬如石。宜大

散如腹滿癖堅如石。積年不損。宜楊枝酒如小腹冷癖。有形如卵上下

走痛不可忍。宜荷香丸如久患涎沫。遂成積塊。宜青黛丸如卒暴癥疾腹中

如石刺痛日夜啼呼。不治百日死。宜牛膝酒如悞食菜中蛇精或食蛇

肉致成蛇瘕。腹內常饑。食物即吐。宜赤蜈蚣散如好吃生米成瘕。不得

米則吐清水。得米即止。米不消化。久亦斃人。宜鷄屎米煎如食髮成瘕。

心腹作痛。咽間如有虫行。欲得油飲。宜香澤油如平時嗜酒。血入于酒。

而成酒瘕。平時多氣。血凝于氣。而成氣瘕。虛勞癯冷。敗血雜痰而

成血瘕。搖頭掉尾如虫之行。上侵人咽。下蝕人肛。或附脇背。或隱

胸腹大則如鼈小則如錢。宜蕪荑湯如老人小兒疰癖往來疼痛。宜星附丸

以上種種皆積聚等七病之類所當一一詳審者也。他如脾胃虛

弱。或飲食過常。或生冷過度。不能剋化。又或起居無節。寒煖不調。

致隨其所食之物及所傷寒熱之氣結成積聚或有塊或無塊面色青肌體瘦心腹脹滿噫氣吞酸者又當條款而列陳之一曰食積食物不能消化成積痞悶也宜青礞石雞內金枳實巴豆香附方用保和丸連蘿丸佐脾丸二曰酒積飲酒受傷成積面黃黑腹臌脹時嘔痰水也宜麥芽神麴烏白丸三曰麴積食麴太多或受寒或懷懷以致成積胸胃飽悶也宜麥芽萊菔子方用阿魏丸四曰糞糕積食之過傷成積噫氣吞酸心腹作痛也宜白芍穀芽神曲方用青木香元加增法五曰素粉積食之失度而成積胸腹間若有所梗也宜枳實萊菔子方用紫蘇湯六曰茶積好飲茶成癖積或喜吃乾茶葉而成積面黃胸膈或空或脹無常也宜姜黃吳茱萸蒼朮白木炮姜川椒方用星木九磨元七曰菓菜積多食菓菜成積不時瀉利腹中若有傀儡也宜香麝香肉桂方用妙應丹八曰水積多飲湯水成積胸脇引痛瀝桂香丸平胃散加丁麝洛有聲也宜牽牛子甘遂茯苓猪苓方用五苓散十枣湯破積導飲丸九曰肉積食肉過多成

積腹多膨脹洩瀉疼痛也。宜查肉阿魏磁砂硝石方用十曰魚鼈

蟹積。食此過多成積。腹中疼痛。胸中滿悶。或吐或瀉也。宜紫蘇陳

汁方用妙應丸遇仙丹十一曰蛋積。食蛋不消。成積。即暖敗卵氣作酸堅痛

也。宜白蔻仁橘紅豆豉十二曰狗肉積。食狗多而成積。滿腹中覺

熱脹悶也。宜杏仁山查方十三曰虫積。飲食積聚。變化生虫。時嘔

清水苦水。常在腹中咬痛也。宜雄黃白礬檳榔雷丸蕪荑樞子十

四曰血積。瘀血成積。或因打撲或因墮跌。瘀血畜於脾腹面黃糞

黑也。宜三稜蓬術五靈脂紅花延胡索桃仁十五曰痰積。痰涎凝

聚成積。結在胸膈。吐咯不出。咽門至胃脘窄狹如線。疼痛目眩頭

旋。腹中累累有塊也。宜青礞石海粉南星半夏瓦楞子方用十六

曰癰積。癰積不善調理。而成積。經汗吐下日久。榮衛虧損。邪氣伏

藏脇腹。結為癥癖。堅痛。名為癰母也。宜常山鼈甲三稜蓬術草果

元十七曰寒積感傷寒冷成積腹中疼痛必以手重按或將物頂

住稍可口吐清水也。宜乾姜柴胡丁香肉桂附子方十八曰熱積。

傷熱成積或吐或瀉頭暈腹痛心中煩躁也。宜黃芩黃連黃柏石膏方用清心湯地骨

皮共十八條病皆由積勿論其塊之有無也且諸積之成莫不由

痰食死血固夫人而知之矣庸詎知痰食死血乃成積之質而非

成積之本乎蓋使痰伏其位食化其液血順其經病何自作而積

何自生夫惟氣鬱而濕滯濕鬱而熱生熱鬱而痰結痰鬱而血凝

血鬱而食不化食鬱而積成此六者寔相因致病古人所以云六

鬱爲諸積之本也故當積之未成必先有以解其鬱而使當升者

升當降者降當變化者變化不致傳化失常。宜入門六鬱湯起麴保和丸加味越麴丸

斯氣血冲和而百疾不作若積之既成又當調榮養衛扶胃健脾

使元氣旺而間進以去病之劑從容調理俾其自化夫然後病去

而人亦不傷。乃今之治積者，動議吐下，竟謂非此不除，不知吐與下，祇治病之卒暴作者。若積之成，必匪一朝一夕其所出來者，漸矣。故積之治，亦必匪一朝一夕其所由去者，不可不以漸也。不然，內經何但有化積消積，積聚之文，而並無吐積下積之說乎？蓋直吐直下，皆足以傷胃氣而損元氣，積必不去也。凡病者醫者，其皆體念毋忽。

脉法 難經曰：病在右脇，有積氣，得肺脉結，結甚則積甚，結微則積微。肺脉雖不見，右手脉當沉伏。脉訣曰：五積爲陰，沉伏附骨，肝弦心芤，腎沉結滑，脾寔且長，肺浮喘卒，六聚成結，癰則沉結。正傳曰：鬱脉多沉伏，或促或結，或代。丹溪曰：鬱脉沉澁，積脉弦堅。綱目曰：心肺有積，其脉皆喘數；肝有積，其脉弦長；脾胃有積，其脉皆大。脉經曰：脉弦緊爲積，弦繁而微細者，

寒

積聚癥瘕痞疔

卷十四 九

癥也。夫癥瘕積聚之脉皆弦緊。在心下卽寸脉弦緊。在胃脘卽關脉弦緊。在臍下卽尺脉弦緊。又曰內有積不見脉難治。見一脉相應易治。又曰診積其脉堅強急者生。虛弱者死。又曰脉弦而伏者。腹中有癥。不可轉也。必死不治。回春曰。有癥瘕其脉多弦。弦急癥疾。弦細瘕疾。醫鑑曰。腹中有積。脉忌虛弱。又曰診女人疝瘕積聚之脉。弦急者生。虛弱小者死。

諸積原由症治 靈樞曰。喜怒不節則傷藏。藏傷則虛。風雨襲虛則病起于上。留着于脉。稽留不去。息而成積。着于陽明之經則挾臍而居。飽食則益大。饑則益小。着于緩筋也。是陽明之積飽食則痛。饑則安。着于腸胃之膜原。痛而外連于緩筋。飽食則安。饑則痛。着于膂筋。在腸後者。饑則積見。飽則積不見。按之不得。又曰人之善病腸中積聚者。皮膚薄而不澤。肉不堅而淥黃。

如此則腸胃惡。惡則邪氣留止。積聚乃成。腸胃之間。寒溫不次。邪氣猶至。畜積留止。大聚乃起。內經曰。寒氣客于小腸膜原之間。絡血之中。血澁不得注于大經。血氣稽留不得行。故宿昔而成積矣。仲景曰。病有積有聚。有榮氣。榮氣者。脇下痛按之則愈。復發爲榮氣。入門曰。治五積。古有肥氣等五方。今增損五積丸更妙。又曰。積初爲寒。宜辛溫消導。大七氣湯。烏白丸。久則爲熱。宜辛寒推盪。木香檳榔丸。通元二八丹。又曰。壯人無積。虛人則有之。皆由脾胃怯弱。氣血兩衰。四時有感。皆能成積。若遽以磨積破結之藥治之。疾似去而人已衰矣。法當先補虛。使氣血壯。則積自消。宜木香枳殼丸。本事方曰。治積要法。大抵以所惡者攻之。所喜者誘之。則易愈。得效曰。宿血滯氣凝結。爲癥瘕。腹中痞塊。堅硬作楚。當以破氣藥伐之。或以類相從。如

敗梳治風癩。銅屑治龍癩。麴藥治米癩。石灰治髮癩。丹溪曰

凡攻擊之藥。有病則病受之。無病則胃氣受傷。胃氣者。清純沖和之氣也。惟與穀肉菜菓相宜。蓋藥石皆偏勝之氣。雖參芪性亦偏。況攻擊者乎。又曰。醫爲病所困。首惟陰虛之難補。久積之難除。玉山自倒。陰虛之謂也。養虎遺患。久積之謂也。人之罹此二患者。可不懼哉。仲景曰。積聚癥瘕。不轉動者難治。必死。又曰。五積中奔豚症。最爲難治。奔豚從小腹起。上沖咽喉。發作欲死。復還止。皆從驚恐得之。越人曰。驚者神上越也。蓋奔豚病上沖咽喉者。隨神上越故也。

外貼法 千金方曰。凡積聚癥瘕。用藥外貼亦可。今消散宜三聖膏。琥珀膏貼痞膏。

握藥宣積法 得效曰。凡積聚服藥畏難者。可用握藥法。能令

積散宜握藥丸

痞塊導引法。保生祕要曰。以左手向前上伸。以右手向後下伸。閉氣一口。扭身轉項。左右轉換各十七回。俟後內微覺响聲。身熱乃止。兼行後功。

運功。保生祕要曰。注臍發運。患處撤散。或想刀劈破氣塊。推之。四旁又灌火燒之。或用梭法。

息積氣分病也。人身之氣周流運行。無時或息。故經絡宣通。榮衛調和。機關順利。而呼吸出入。氣以息宣。息隨氣運。百疾不生。有所怫鬱。則氣爲之壅。壅則不通。升不得升。降不得降。必致腹滿肋痛。氣逆上沖。故知息調于氣。氣鬱則息亦鬱。氣鬱而積。息亦鬱而積也。且靈樞曰。何謂逆而亂。曰。清氣在陰。濁氣在陽。榮氣順脉。衛氣逆行。清濁相干。亂于胸中。是爲太惋悶。夫至太惋悶。則其息之積。

而不調可知矣。是故息積之病，偏脹膨滿，未有不原于氣鬱者。宜化

氣湯木香 調氣散。亦或腸胃因虛，氣癖于盲膜之外，流于季脇，氣逆息難。

經年累月，醫所難治。久則榮衛停凝，一朝敗濁潰膿為瘡，多至于

不救。宜磨積元 則息積之病，蓋有不容忽視者。

息積証治。內經曰：帝曰：人有病脇下滿氣逆，二三歲不已，是

為何病。岐伯曰：病名曰息積。此不妨于食，不可灸刺，為導引服

藥，藥不能獨治也。

導引法。得效曰：以兩手拇指壓無名指本節作拳，按髀跌坐。

叩齒三十六，屏氣二十一息，嚥氣三口，再屏息，再嚥。如是三作。

以氣通為效。遇子午卯酉時則行。

治積聚癥瘕痞痞方九十

補中益氣湯。補益 人參 黃芪 當歸 白朮 升麻

柴胡

陳皮

甘草

攻積丸

黃芩 吳萸 乾姜 官桂 川烏 各一兩
黃連 橘紅 枳實 厚朴 枳實 元
胡索 人參 沉香 桔梗 琥珀 另研五錢 皂
角六兩 煎汁泛丸 每八分加至一錢 姜湯下

肥氣丸

肝積 柴胡 一兩 黃連 七錢 厚朴 五錢
川椒 四錢 甘草 三錢 人參 蓮木 昆布
各二錢 半 皂角 一分 茯苓 各錢半 乾姜 巴
霜 各五分 川烏 二分 蜜丸 初服二丸 二日
三丸 以後每日加一丸 至大便溲 又每日減少
一丸 仍至二丸 再日加增 周而復始 塊減半 即
勿服 伏梁痞氣 奔豚 息責 四方服法 俱照此
增減

伏梁丸

痞氣丸

心積 黃連 兩半 人參 厚朴 各五錢 黃
芩 桂枝 茯苓 丹參 各一錢 乾姜 黃
蒲 巴霜 川烏 各五分 紅豆 蔻三分 蜜
服照肥氣丸 黃連 湯下
脾積 黃連 八錢 厚朴 四錢 吳萸 三錢
黃芩 二錢 砂仁 錢半 茯苓 人參 澤瀉
各一錢 茵陳 乾姜 各錢半 川烏 川椒
各五分 肉桂 巴霜 各四分 白木 二分
蜜丸 甘草 湯下 服法照肥氣丸

息責丸

肺積 白 黃連兩三錢 厚 天冬 川烏 桔
便 乾姜 陳皮 三稜 紫苑各錢半
二錢 巴霜各五分 蜜丸姜湯下 服法照
青皮 肥氣丸

奔豚丸

腎積 厚朴七錢 黃連五錢 川棟子三錢
茯苓 澤瀉 菖蒲各二錢 元胡索一錢
半夏 全蝎 附子 獨活各一錢 川烏 丁
香 巴霜各五分 肉桂二分 蜜丸淡鹽湯
下 服法照肥氣丸

增損五積丸

總治五積 黃連肝積五錢 脾腎積七錢 心肺
積兩半 厚朴肝心脾積五錢 脾腎積八錢
川烏肝肺積一錢 心腎脾積五錢 乾姜肝心
積五分 肺脾腎積錢半 人參肝心脾肺積二
錢 腎積五分 茯苓錢半 巴霜五分 蜜丸
服法亦照五積丸
如肝積另加柴胡一兩 川椒四錢 蓮木三錢 皂
角昆布各二錢半
如心積另加黃芩三錢 肉桂 茯苓 神丹 參各一錢
葛蒲五分
如肺積另加桔梗三錢 天冬 青皮 陳皮 薤仁 各
一錢 紫苑 川椒 各錢半

如脾積加吳茱萸芩砂仁各二錢澤瀉茵陳各一錢川椒五分

腎積另加元胡索三錢苦楝肉全蝎附子獨活各一錢澤瀉菖蒲各二錢肉桂三分母丁香五分

此方兼治一切積塊不拘臍上下左右通用

通治諸積 三稜 蓬朮 阿魏 海浮石 香附 雄黃 樞榔 蘇木 瓦楞子 五靈脂 水丸

化積丸

六君子湯

歸脾湯

盧薈丸

烏藥散

沈氏血癥丸

脾胃虛 人參 白朮 茯苓 炙甘草 陳皮 半夏

肝脾虛 人參 黃芪 當歸 白朮 茯神 杏仁 遠志 龍眼 木香 甘草 姜朮

肝火 盧薈 黃連 胡黃連 木香 甘草 青皮 蕪荑 炒各五錢 當歸 茯苓 陳皮 各一兩

半 炙甘草七錢 米糊丸 米飲下七八十九

食癥 烏藥 蓬朮 醋炒 肉桂 當歸 桃仁 青皮 木香 等分 為末 每二錢酒下

血癥 五靈脂 大黃 甘草 梢 桃仁 泥各 五錢 生地七錢 牛膝四錢 官桂二錢 赤芍

元胡索 歸身各六錢 琥珀 乳香 沒藥 各一錢 川芎 各三錢

積聚癥瘕 疝癖 痞方

四物湯

再酒糊丸每服一錢壯盛人錢半消過半即止
隨病體立方服藥此金齏自製方也
癢川芎當歸白芍生地

麝香丸

症麝香五錢阿魏麵煨二錢半三稜
五靈脂各七錢半桃仁七錢醋炒芫花三
錢枳榔蓬朮肉桂沒藥當歸水

積塊丸

香各五錢飯丸梧子大每十九醋湯下無時
又各二錢雄醋蓬朮自燃銅醋煨蛇含
石各二錢雄黃一錢蜈蚣各錢二分木香錢
半鐵華粉醋炒一錢阿魏沉香八分冰片五
分蘆薈天竺黃一錢雄豬胆汁加蜜丸消即止

三稜散

又三稜八錢川芎四錢醋煨大黃一錢

積猪肝丸

又積猪肝一具可十兩者以巴豆五十粒去
皮扎在肝內米醋三碗煮肝極爛去巴豆入京
三稜末和得所丸梧子大每服五丸食前酒下

香稜丸

癖三稜枳榔各三兩查肉二兩蘿菔
子香附枳實枳殼陳皮青皮蓬
木各一兩黃連神曲麥芽鼈甲乾
末桃仁礞砂砂仁歸尾木香甘

草各錢 醋糊丸白湯下三五十九

此方通治 五積六聚氣塊

又香 養丸 木香 丁香 各五錢 枳壳 酒

三稜 莪朮 以巴豆三十粒去壳全炒巴豆黃

色去之 莪朮 青皮 川棟肉 淡鹽湯下無時 此

糊丸 砂 為衣 每三十九丸 淡鹽湯下無時 此

方亦治 一切積聚 破痰癖消癥塊

大硝石丸

又 硝石三兩 大黃四兩 人參 甘草 各

一兩 陳醋三升 銅器內先微火煎大黃數沸

常攪不息至七分入諸藥熬成膏至可丸即丸

每服三十丸 米湯下 三日一服 或下如鷄肝或

米泔赤黑等物多至二三升後忌風冷

此方通治 七癥八瘕 聚結 杯塊 及婦人帶下 絕

產腹中 有癥瘕者 當先下 此藥妙在 但去癥

瘕 令人 不困

木香硝砂丸

又 木香 硝砂另研 丁香 官桂 沒藥

另研 木香 附子 乾漆 細黑 乳香 另研 青

皮 大黃末 三稜 豬牙皂角 乾姜 各等

分 巴霜減半 右除 硃砂乳香 沒藥外 全為

末以 醋一升 化硃砂 去渣 銀石器中 慢火熬次

下 巴霜 大黃 熱成膏 將前藥末 和膏為丸 如麻

子大 每服三五丸 食後溫酒下 加至大便利

為度 此藥乃攻伐之劑 全無補益 虛人禁用

即壯寔者亦須以四君子湯四物湯兼服
此方端治男女疝瘕積聚血塊刺痛脾胃虛寒
飲食不消久不瘥者

連蘿丸

消塊丸

開懷散

消積保中丸

痞塊 黃連一兩五錢半以吳萸五錢全炒去
吳萸半以益智仁五錢全炒去益智 白芥子
萊菔子並炒各兩半 山梔 川芎 京三
稜 蓬朮 桃仁 香附 查肉 神曲各一
兩 青皮五錢 蒸餅和丸 白湯下五六十九
一名白芥丸又名消積丸
又一名大黃四兩 硝石三兩 人參 甘草各
兩半 各為末用陳醋三升礱器內先全大黃
末煎不住手攪使微沸盡一升下餘藥末熬至
可丸如梧子大米飲下三十丸當利如鷄肝惡
物 一方一名硝石丸
此方端治痞塊瘕瘕 王連蘿丸端治食積死
血痰飲成塊在兩脇作痛啻鳴嘈雜眩暈與此
方俱靈效之至
又柴胡 草豆蔻各一錢 醋三稜 醋蓮
朮 青皮 陳皮 半夏 茯苓 香附 枳
榔 枳實 紅花 甘草各七分 姜三片
此方端治心下積塊痞悶或發熱
父 白朮三兩 去白陳皮二兩 半夏 枳
苓 醋香附 萊菔子 白芥子 姜黃連 枳

潰堅湯

姜梔子 神麴各一兩 枳榔七錢 醋三稜
醋蓬朮各八錢 麥芽六錢 乾漆五錢
青皮香油炒 砂仁各四錢 木香 阿魏各
三錢 薑汁酒糊和丸白湯下四五十九
又 當歸 白朮 半夏 陳皮 枳實 直
肉 香附 厚朴 砂仁各一錢 磨木香五
分冲服

潰堅丸

又 前方加 海粉 瓦楞子 鼈甲 醋化
阿魏加姜汁糊丸每五七十九酒下
此湯丸二方通治五積六聚諸般痞塊

妙應丸

又 附子四个七錢重者去皮臍剉作甕入礱
砂共一兩七錢麴裏煨熟去麴 葶撥 破故
紙 青皮各三兩半 糊丸生薑陳皮湯下三
十九

入門六鬱湯

又 香附二錢 川芎 蒼朮各錢半 製半
夏 陳皮各一錢 赤苓 山梔各七分 砂
仁 甘草各五分 姜三片 兼氣加木香枳

解鬱調胃湯

又 柳烏藥蘇葉 兼濕加白朮羌活防己 兼熱
加黃連連喬 兼痰加南星海粉瓜蒌仁 兼
血加桃仁韭汁丹皮 兼食加山查神曲麥芽
又 益水炒山梔 酒當歸各一錢二分 酒洗生
木 陳皮 茯苓各一錢 酒赤芍 酒洗生
積聚癥瘕症癖痞方 卷十四 五

寒

地姜汁炒 香附各八分 神曲 麥芽各七分
分 川芎六分 生甘草 枳仁各四分 姜
三片煎服

柴香散

又 地骨皮 枳實 三稜 蓬朮各一錢
柴胡 黃芩各七分 赤芍 厚朴 香茹
黃連 元胡索各五分 甘草三分

助氣丸

又 三稜 蓬朮俱用濕紙包煨透切片各二
斤 去白青皮 去白陳皮 白朮各十五兩
枳殼去穰炒 枳實 木香各十兩 糯米丸
每服五十九丸開水下

勝紅丸

又 醋三稜 醋蓬朮 炮乾姜 青皮 陳
皮 良姜各一兩 香附二兩 醋枳實每三
十丸姜湯下 虛者以補藥下之 一方加神
麩麥芽

蒜紅丸

又 丁香 木香 沉香 砂仁 青皮
陳皮 枳實 蓬朮 牽牛子 草豆蔻各五
錢 肉豆蔻五分 人參 茯苓各二錢半
蒜一百瓣搗汁和藥丸每服十五丸秋石湯下
服此藥只可服白粥

木香通氣散

寒癥 炙甘草 木香 三稜 青鹽各一錢 厚朴二
錢 枳實各六分 炮姜 蓬朮各

四分

推氣湯

肋痞 砂仁 肉桂各二分五厘 木香三分
炙草 茴香 丁香 陳皮 青皮 乾姜
各五分 蓬朮四分 胡椒 沉香各一分

化痞膏

痞積 秦艽 三稜 蓬朮 黃柏 當歸各
五錢 大黃三錢 全蠍十四个 川山甲十
四片 蜈蚣五條 木鼈子七个 共入菜油
二斤 四兩內浸二日 夜煎焦黃色去渣 熬略冷
下炒紫黃丹一斤二兩 不住攪黑烟起滴水不
散 離火下阿魏一兩 乳香 沒藥各五錢
風化硝三錢 攤貼
此方加琥珀末一錢 臨用入麝少許 狗皮攤貼
兼治馬刀瘻癰

枳木丸

烏牛尿膏

大黃散

水飲 枳實七枚 白朮三兩 水一斗煎三
升分三服 腹中軟即消也
鼓脹 烏牛尿一升 微火煎如飴糖 空心服
少許 當鳴轉病出 隔日更服之
脇如石 三稜一兩 炮 大黃一兩 共為末
醋熬成膏 每日空心姜橘皮湯下一匙 以利下
為度

寒

積聚癥瘕痞痞方

卷十四 寒

楊枝湯

腹癰 白楊木東枝去粗皮避風剉細五升炒黃以酒五升淋訖用絹袋盛渣還酒中密封再宿每服一合日二服

茴香丸

小腹痛 胡蘆巴八錢 茴香六錢 巴戟川烏各二錢 川棟肉四錢 吳萸五錢 酒糊丸每服十五丸小兒五丸鹽酒下

青黛丸

涎積 千金子三十枚 膩粉二錢 青黛炒一錢 糯米飯丸芡子大每服一大打破以大棗一枚蒸熟去皮核同嚼冷茶送下半夜後取下積聚惡物為效

牛膝酒

卒癰 牛膝二斤酒一斗浸之密封于灰火中溫令味出每服五合至一升隨量飲蛇瘕 赤腳蜈蚣一條炙研酒服

赤蜈蚣酒

鷄屎米煎

米瘕 白米五合 鷄屎一升 同炒焦為末水一升煎頓服少頃吐出瘕如研米汁或白沫淡水乃愈也

香澤油

髮瘕 香油一升入香澤煎之盛置病人頭邊令氣入口鼻勿與飲之疲極眠睡中當從口出急以石灰粉手提取抽盡即是髮也初出如不流水中濃菜形

燕羹湯

諸醫燕羹炒不拘多少煎水代茶兼用煖胃益血理中之藥乃可殺之若後事當丸錫灰之類無益也

星附丸

疥癬南星香附等分爲末姜汁糊丸每姜湯下二三十丸

保和丸

食積查肉姜半夏黃連陳皮各五錢神曲三錢麥芽二錢即將神曲打糊丸白

湯下五七十丸一方山查五兩神曲半夏各三兩茯苓陳皮煎子麥芽連喬各一兩別以神

曲五兩作糊丸此方兼治酒積

佐脾丸

又查肉三兩萊菔子連喬陳皮各五錢赤苓半夏各二錢粥丸水下

酒積丸

酒積黃連酒浸一宿烏梅肉各一兩半夏曲七錢枳實砂仁各五錢杏仁三錢

巴霜一錢燕餅丸白湯下八丸或十丸

烏白丸

又烏梅肉生薑各四兩白礬半夏各二兩搗勻以新瓦夾定火焙三日夜入神曲

麥芽青皮陳皮蓮木丁香皮大

腹子各一兩酒糊丸姜湯下五十九此方兼消痰積食積

阿魏元

麵積 阿魏酒浸化 肉桂 蓮木 麥芽
神油 蕨子 青皮 白朮 乾姜各五錢

百草霜三錢 巴霜三七粒 枳丸姜湯下二

三十丸 麵傷或用麵湯下亦可

此方兼治食生菓大多不能消化成積腹痛嘔

惡亦治肉積

青木香元

枳糕積 黑丑頭末三兩 破故紙 樗榔
華澄茄各二兩 青木香一兩 水丸梧子大

用此丸三百粒入丁香十粒 神麴二錢

巴霜三粒 蒸餅丸 萊豆大 陳皮湯下二三升

丸滯下自安

此方不用加法亦治寒疝膀胱氣

散 粉積 紫蘇 杏仁泥 等分 濃煎湯服即

磨積丸

茶積 陳倉米半升 巴豆七粒 全炒令米

赤去巴豆入 青皮 橘紅各二兩 醋丸姜

湯下二三十九

星木丸

又 白朮一兩 南星 青皮 陳皮各三錢

柳丸

妙應丸

菓菜積 方見前

此方兼治飲食中蠱毒或食水陸果芥子即入

腹而生虫蛇魚鱉或宿食留飲結為癥瘕

桂香丸

又肉桂一兩 麝香一錢 飯丸白湯下十五丸

平胃丸

又蒼朮 厚朴 陳皮 甘草

五苓散

水瀝 白朮 肉桂 茯苓 猪苓 澤瀉

十棗湯

又

破積導飲丸

又木香 尖枳榔 青皮 陳皮 枳殼 枳實 三稜 蓬朮 半夏 神曲 麥芽 茯苓 乾姜 澤瀉 甘草各五錢 白升頭 末六錢 巴豆二十粒 姜汁糊丸姜湯下三十五丸

此方兼治痰飲積 肉積 阿魏醋化 山查各一兩 黃連六錢 半連 喬五錢 歸嚮為丸

小阿魏丸

此方兼治一切食積成塊

三稜煎元

又三稜細切入兩以醋三升 石礬內熬枯 神麴 麥芽各三兩 萊蕪子 青皮 乾漆 各二兩 杏仁 礬砂飛研各一兩 三稜膏 丸姜湯下二三十九丸

遇仙丹

魚鱗蟹積 黑華牛子半生半炒取頭末四兩 三稜 蓬朮 茵陳 枳榔俱生用各五錢

將白麵一兩打糊丸每三錢五更茶清送下
度者一服見效病深者再服必候惡物下盡

溫白元

此方專治虫積所下之虫曰穿心虫曰血龍虫
曰傳尸虫曰肺虫曰疾心虫曰馬尾虫曰積血
虫曰細虫曰長虫寸白虫其狀不一或作五色
或如魚凍此乃王經略趙廣東偶染山嵐瘴氣
肚腹脹滿百藥無效遇一道人付此藥服之下
虫一條如蛇長三寸餘病乃愈因乞其方
出積 炮川烏二兩半 吳萸 桔梗 柴胡
菖蒲 紫苑 黃連 炮姜 肉桂 心 參
椒 巴霜 赤苓 炙皂莢 厚朴 人參
五錢 蜜丸姜湯下三丸或五丸至七丸
名萬病紫苑丸
此方通治積聚癥瘕疰瘕黃疸鼓脹十種水氣
八種宿塞五種淋疾九種心痛遠年瘧疾及七
十二種風三十六種尸症癰狂邪祟一切腹中
諸疾 兼治婦人腹中積聚有似懷孕麻痺因
弊或歌哭如邪祟服此自愈久病服之則皆消
出虫蛇惡膿之物

桃仁承氣湯 血積 桃仁 大黃 芒硝 桂枝 甘草

三稜煎

又五蓋磁器內浸之封口文火煨令乾取出稜末
將荒花以餘醋炒令微焦共焙乾為末醋糊丸
姜湯下十五丸一兩醋六升同煮薑焙為末製法
服法同上
此方兼治食癆酒癖氣塊

竹瀝化痰丸

痰積荒花醋浸一宿炒黑甘遂麴裏煨熟
水浸半日曬乾大戟長流水煮曬乾各五錢
炒二兩黃濕紙包煨再用酒浸炒熟一兩黃柏
每十丸臨臥津唾咽下能取上膈濕痰熱積下
可利腸胃之痰惟胃虛少食者忌用若用小胃
丹一料加南星半兩夏俱用白礬皂角姜汁
水煮十五次各三兩半夏俱用白礬皂角姜汁
角水浸一宿炒二兩桃仁杏仁俱用白礬水浸
半日去皮尖炒紅花酒蒸杏仁陳皮枳實並用
白礬水泡半日炒汁煮神麴糊丸菜豆大每服二
一兩姜湯下故名竹瀝化痰丸又名加味
三十九丸姜湯下故名竹瀝化痰丸又名加味
小胃丹又名導痰小胃丹
此方專治風痰痞積眩暈喉痺癰瘰不語腹中
痞塊等症神效

竹瀝達痰丸

又姜半夏 去白陳皮 白朮微炒 大黃
酒浸蒸晒乾 茯苓 酒黃芩 各二兩
草人參 各兩半 青礞石 一兩 同焙 硝磺 一兩
火煨金色 沉香五錢 以竹瀝一大碗 半姜
汁三匙 拌勻 晒乾 如此五六度 因以竹瀝姜汁
和丸 小豆大 每百丸 臨臥米飲下 一名竹瀝
運痰丸
此方能運痰從大便出不損元氣丹溪曰痰在
四肢非竹瀝不開此藥是也

開氣消痰湯

又桔梗 便香附 姜蚕 各一錢 陳皮
片芩 枳殼 各七分 前胡 半夏 枳寔
羌活 荆芥 各三錢 射干 威靈仙 各五分
木香 甘草 各三分 姜三

十將軍丸

此方端治胸胃咽門窄狹如線疼痛及手足俱
有核如胡桃者
瘰癧 砂仁 檳榔 常山 草果 各二兩
三稜 蓬朮 青皮 陳皮 烏梅 半夏 各
一兩 先將常山草果酒醋各一碗 浸一宿 後
入八味同浸至晚煮乾為末 酒醋各半打 糊丸
白湯下 三四十九日 二服 服至八兩 卽除根

鼈甲丸

又醋鼈甲 一兩 三稜 蓬朮 香附 青
皮 枳仁 紅花 神曲 麥芽 海粉 各五

消癖元

錢 醋糊丸白湯下三五十丸 本方加
赤芍 治夜發瘧名陰瘧丸
又 荒花炒 朱砂 等分蜜丸每十丸水湯
下去 瘧須用荒花破水之劑
此方端治瘧瘧年經汗吐下榮虧損邪氣
伏藏脇間結為瘕瘕腹脇堅痛 此三方治瘕
母與瘕疾條案看

附子理中湯

寒積 附子 人參 白朮 炮姜 甘草

沈氏棉子丸

又 棉子八兩 升麻 炮姜各四錢 白朮
一兩 半夏八錢 砂糖沙洋和丸每服二錢
米湯空心下服至半月許當有寒積如稀痰一
般隨大便下以下盡為度即勿服再服健脾溫
中緩腹之劑 此余自製方也神效

清心湯

熱積 甘草錢七分 連翹 梔子 酒蒸大
黃 薄荷 黃芩 黃連各七分 朴硝五分
竹葉七片 釜一二匙

地骨皮散

又 石膏二錢 黃芩 知母 生地各一錢
羌活七分半 赤苓 地骨皮各五分

越麴保和丸

預解鬱 蒼朮 川芎 神曲 陳皮 半夏 茯苓
積聚瘕瘕疝瘕痞方

寒

積聚瘕瘕疝瘕痞方

卷十四 三

枳實 酒黃連 酒當歸 山梔 萊菔子
連香 木香各五錢 姜汁 枳丸 姜湯下五十

加味越麴丸

此方開鬱行氣消積散熱
又 姜 蒼術 陳皮 川芎 白芍 便香附 神麴 山梔
各四兩 糊丸白湯下五六十九丸 黃芩各兩半 查肉

大七氣丸

初積 三稜 蓬朮 青皮 陳皮 桔梗
灌香 益智肉 香附 肉桂 甘草 各一錢

木香檳榔丸

黃芩 四方 加 大黃 檳榔 各一錢 治諸般痞積面色
土茶炭等物只一服除根水煎或好食生米壅
服不得些少飲食不然則藥力減而虫積不行
矣服後心痛當下惡物如魚凍虫蠱至日午下
積盡方用溫粥止之 黑丑頭末 黃芩各二兩
久積 木香 大黃 四兩 黃連 當歸 枳壳 便香

通元二八丹

附 青皮 陳皮 黃連 當歸 枳壳 便香
泛丸 溫水 下五六十九丸
又 黃連 八兩 芍藥 當歸 生地 烏梅
各五錢 雄猪肚 一个 入藥末于內線縫鋪韭
菜二斤于鍋內蒸一日以藥熱為度取出搗丸
空心姜湯下七十九丸或瀉一二次以粥補之

木香枳壳丸

總治 白朮 厚朴 半夏曲 大黃各二兩 枳殼

皮 陳皮 三稜 蓬朮 枳殼 神曲 麥芽各一兩 乾姜 枳殼各五錢 姜汁糊丸

凡人養正積自除之理 凡人有積病則氣滯而飯此方攻補兼施真得

三聖膏

外貼 風化石灰半斤為末瓦器炒令淡紅色 提出候熱稍減次下大黃末一兩就爐外炒候

琥珀膏

貼痞膏

又作片貼之 朴硝各一兩為末 大黃 芍藥 石灰各一錢 酒釀雞子大一塊 共搗成膏

握藥丸

握藥 巴豆 乾姜 良姜 白芥子 硫黃 甘遂 枳殼 等分飯丸如中指大清早先

治息積病方四

積聚癰疽疔毒方 息積方 卷十四

化氣湯

氣鬱 建木 乾姜 青皮 陳皮 丁香
茴香 炙甘草 各五錢 肉桂 木香 各二錢

木香調氣散

半 胡椒 沉香 各一錢 一分 每末二錢生
姜 蘇葉 鹽少 許煎湯下
又 烏藥 香附 枳壳 青皮 陳皮 厚
朴 川芎 蒼朮 各一錢 木香 砂仁 各五
分 肉桂 甘草 各三分 姜三片

磨積元

萬病元

虛氣 胡椒 一百五十粒 全蝎 十个 木香
二錢半 粟米 飯九 橘皮 湯下 十五丸
又 芍藥 川椒 肉桂 川芎 乾姜 防
風 巴霜 當歸 犀角 桔梗 赤苓 人
參 黃芩 黃連 桑皮 蒲黃 前胡 大
戟 葶藶 麝香 細辛 雄黃 硃砂 紫
苑 醋荒花 醋淬 禹餘糧 研水飛 甘遂
牛黃 各一兩 蜈蚣 十二節 去頭足 炙 芫青
二十 八個 糯米 同炒 蜜丸 溫水 或姜湯下 三九
去頭尾 足炙 四寸 蜜丸 溫水 或姜湯下 三九
以吐利為度
此方專治七種癰塊 八種瘡毒 五種癰癩 十種
疔疥 七種飛尸 十二種蟲毒 五種黃疸 十二種
癰疾 十種水病 八種大風 十二種濕痺 及積聚
脹滿 及久遠心腹痛 疳蝨 寸白 諸虫 久積痰飲
消痰 痰因或婦人子腸中瘀血 凝滯 因而斷產

服此藥以三丸爲一劑不過二劑其病悉除說
無窮盡故名爲萬病元



100